

不復往粵中然此時南風甚利北路防其流突不可不  
急為之計耳中左之圍一日不解一日可慮城中糧食  
告竭不憂外攻而憂內潰陸兵救援竟不見到奈何職  
內地有備自信無虞無煩懸念

### 上熊撫臺

李賊之叛撫皆出于黃巽冲提撥流毒閩廣萬劍不足  
以誅其罪但職誘之歸而旋寘之死恐塞招徠之路以  
是姑寬其詞以使不疑也此賊虎狼之狀見之可畏職  
已稟本道發府獄弗縱之回以同地賊藪恐一有轉念  
變不可測耳聞魁奇失一巽冲不覺垂首喪氣其驕不  
難哉矣且與鍾斌周三嫌隙日生必有自相攻殺之漸

### 靖海紀畧卷三

三 別下齋校本

夫以賊攻賊計莫善于此前芝龍戰敗而死者約千人  
皆賊也此亦足明天道不爽矣攻陷之事必無可慮流  
突之虞自應謹備同地各澳鄉兵如林有登岸者輒殺  
之庶足以紓台臺南顧之憂耳

### 上熊撫臺

芝龍之入中左也當事者咸欲使之他避職力持之謂  
舍芝龍無與守中左若舍此而他避即日者逃將之故  
智矣况芝龍之家在中左自護其家守必力也賊擁百  
人攻城芝龍發兩銃兩斃賊魁賊自是不敢攻城矣人  
謂賊能取芝龍而姑舍之非其實也畏賊者聞賊至面  
如土泥但知有招撫不知賊亦解事自信無再撫之理

萬一賊迷而不悟謂計必出此亦何必不出此果有交  
器械還船隻得數烏尾船而芝龍便有起色矣嗣是而  
以假腹心與賊使賊不疑以真恩義與芝龍使龍思奮  
半年之內便可芟除立盡此職所蚤夜躊躇恐無當于  
採擇而未敢遽陳者也若曰招撫易而題覆難此又認  
為真局面職不敢妄措一詞矣伏惟台臺裁奪

### 上熊撫臺

十一日鍾斌領烏尾船七隻大小烏船四十餘隻竟往  
東北職已經稟報矣聞十二日合鯨在石湖寨十三日  
有三四小烏船直入泉城南門乘其無備燒燬兵船船  
燬之甚其半向泊中左窺無兵船與角以為可以少少

### 靖海紀畧卷三

四 別下齋校本

弱賊坐困芝龍雖目下城中糧食猶可暫支久則難繼  
矣賊之所畏止一芝龍兄弟困之于此便可橫行于彼  
此賊之狡計也以職管見必須粵中借用烏尾船一入  
南澳賊必聞風出外可以解芝龍之困而使之登船對  
壘不知台臺曾有此舉否不然而南北肆志何以禦之

與趙副總名廷廷善媚賊與本縣最不相  
得迫縣請銃擊賊故以此應之

賊把截薄尾渡須以銃驅之所論誠為急著昨僱匠工  
料理必兩旬日始鑄得一銃然則一日無銃渡口一日  
不清不佞之罪狀將與日俱積矣旋而思之紅夷出沒  
之地每多覆舟其中必有大銃隨喚漁民善泅水者入  
覆舟內撈之許以厚犒數日間得二十四銃大者三千

餘舫小者亦不下二千舫乃知神物不容埋沒一時並集若或使之非人力也刻下製架演放力能及二三里外以之攻賊未有不糜爛者昨接台教止以百名兵留之渡口不識此百名能守銃乎倘仍為盜資又多一番罪案恐于門下亦未便也惟高明裁之

上蔡道尊

昨趙署鎮云兵已弔回止剩百名在此揣其意明謂雖有銃無與守也又一書云將銃擡至高浦西門令把總試放果能及遠方運到渡口打賊彼苦無伎倆則止以不及遠為辭矣雖遠而曰近誰與之辯哉且此三千餘舫之物豈一手一足之能運越潯尾而至高浦此何意

靖海紀畧卷三

五 別下齊校本

見也職答之曰銃刻下製架試過驗其力能到遠直當運至潯尾然須被撥兵以運職何能強之近日賊有大小船十餘隻在渡把截非精兵三百名不能守銃倘運去而旋被劫又增一罪案耳賊意欲撫而懷疑不就又且索芝龍之銀是其本意林應龍亦多鬼語不可信任至于團結固守禦之于陸乃暫時之計若借粵東烏尾船令芝龍領兵從陸往迎聲息一到南澳賊便站脚不定矣如果去借制臺萬無不發之理如有斬焉彼賊之烏尾大船從何處得來哉若我地失事彼亦豈能宴然高坐者計不及此而束手坐困不知所終矣伏候裁示

上蔡道尊

巽中為李魁奇謀叛本縣百方誘縛解道竟釋之復縛解軍院正法

黃巽冲蒙台臺寬恩不謂其舉動之舛也渠有姪已官往拜李賊之妻為母往來偵探不可隄防且也載金入郡請托營求種種叵測不啻伏莽之戎職已收之獄中刻下再當申請以求正法庶幾有以快通國之心耳

上熊撫臺

職拘澳總許克俊與之決議再三止可得六百精兵其不堪用者不敢以人數應船可分駕三十餘隻最大者亦止三百餘無巨艦也惟不甚巨所以輕捷便利千石之鳥船不能當也聞石井亦多漁船克俊云可以壯聲援但不慣戰見賊而思耳又云福興之舟人不知泉漳之海勢礁石何在深淺何處非用此地之慣海不可是

靖海紀畧卷三

六 別下齊校本

一說也賊船在金門者盡數收回中左近澳零星散處所以避火船耳船有泊海澄之新安港口者多下蓬或是修補破碎接濟更當嚴也以職臆度之大師不宜輕出必須從容定計或使之俛首乞降或使之聞聲解散總之重以馭輕持有台臺威靈在聞芝龍亦云甯遲無速意在必得烏尾船以圖萬全或非退託之飾說其如粵中之不發何也黃巽冲已收獄中查其近日舉動再當申解以候裁奪

上熊撫臺

十七日賊船俱駕出泊大擔烈嶼烏沙等處十八日各起帆相傳欲北上迎敵兵船大可慮也劉五店船已立



刻整備矣鄭芝龍弟兄尚有船數隻或令漁舟跟踪協  
勦庶聲勢不孤耳

荅徐道尊

撫臺所發大兵竟付之賊炬不意其遽爾至此日有慣  
海者與職言逆知竹賊之必敗職力稟於撫臺止其輕  
出孰料叛賊竟乘風迎敵也目前竟無策耶聞烏尾船  
有來近南澳者不知真否如真必當募慣海精兵二三  
千令芝龍弟兄登舟力圖之或克濟耳然非職所能為  
也

上蔡道尊

粵東烏尾船竟不見到勦撫兩無所據將若之何職亦  
靖海紀畧卷三

七 別下齋校本

不敢言力能自固惟山陸鄉兵切于自衛庶幾少有所  
恃倘萬分告急則召募健兒有劉五店與十八保東西  
立應千人一呼可集稍可緩則緩之不敢糜費錢糧益  
增罪狀也

上熊撫臺

職每擒一賊細問其情狀云魁奇迫欲招安恐是騙他  
所以芝龍一有省城之行賊益有不測之慮也今芝龍  
回賊疑或可稍釋總之賊心甚狡口言歸順而船泊海  
澄之烏嶼海滄與同安烈嶼馬鑾地方日夜澆洗修整  
篷帆曾無息肩之意職詰之賊云招安之後便要往潮  
羅穀呂宋通販如芝龍故事以是急于修船及問被擄

逃回者曰李賊整船候南風北上其意似未肯忘館頭  
諸澳地也由此推之順逆之形旬日之內可定而省城  
近地之防禦不可不嚴矣

上蔡道尊

趙督鎮以招撫二字與賊講約久矣而賊亦以招撫應  
之總非賊真心也且賊至今日而驕極矣中左近地前  
後左右到處擄人到處搜掠曾無虛刻招撫而若是乎  
大將軍高坐城樓目擊賊輩縱橫差官撫慰被賊亂打  
再竄無地猶戒勿放銃不許各兵出城擒殺必若是而  
後可招撫乎恐招撫之益難也賊恨鄉兵并恨職之甚  
志在報復所望台臺多方羽翼使免于阻越拜賜不獨

靖海紀畧卷三

八 別下齋校本

職也

上熊撫臺及各道尊

賊船分泊海滄日夜修整賊徒上山偏入小鄉村劫掠  
坂尾鄉兵憤之于十七夜統精銳千人星夜踰山四十  
里直入海滄意圖焚船擒賊不謂漳民漏報推船浮水  
矣天明賊眾接戰被鄉兵殺死小賊九名賊首薩史馬  
許三老二名石虎打傷負之而去不可以數計鄉兵被  
傷二名並無所損此亦快舉也但恨奸人漏洩不得火  
其船耳李賊忿甚十八十九議分四路攻坂尾而四方  
鄉兵數千雲集各處埋伏救援賊不敢逞然將來未可  
知也賊志狡而且驕我以撫愚賊亦以撫愚我解紛

正未有日守禦倍當嚴矣

上蔡道尊

李賊欲撫而小賊以空腹未肯就撫徧鄉搜掠無所不至而報仇者日刃數人日捱一日趙副總竟不知作何結局也小民亦知上臺有招撫之議即力足以抗之者而斂手未敢眾心益急于求安耳職正恐求安而愈不得安惶想未知所措台臺何教之

上熊撫臺

李魁奇于初五日弔回各哨船只許入鯨不許出鯨有賊在路上截剝貨物者細之去一賊不受細即梟之如此舉動似可入吾籠絡也數日內自賊舟回者陸續投

靖海紀畧卷三

九 別下齋校本

到職隨到隨發領印與安插想賊輩聞之必無疑畏矣但聞魁奇祈請太奢未知台臺何以裁之耳

與趙署鎮

昨承諭不佞多方為被擄者地歸途無恙矣數日內屢接撫臺札云已將一點血誠以待撫眾萬無他疑者至于不佞之待李魁奇猶之待鄭芝龍也彼頗為門庭以內人而不佞偏欲拒之門外如此顛倒至愚者不為矣但魁奇真須毅然果決解散約束并非有條放出丈夫手段闢開前程大路方不負此舉耳

上徐道尊

鍾斌船四十隻另泊鼓浪嶼被擄者不肯放情形叵測

大是可慮然兩賊正不欲其合此中更有機竅耳若李船上被擄者放回將盡前月望後職到劉五店驗放以防惡少之剝掠且些須給以盤費眾皆聞風脫走三日而散千餘人職多方奏合為主撫者効一臂將來另有活局也

上司李吳磊齋

諱麟徵初到任己巳之春

中左隸於同安去縣城僅五十餘里職之頻年受累止此一塊土耳寇之至也以此為戰場寇之撫也以此為窟穴寇至有劫掠之苦寇撫有調馭之苦而寇撫之苦不減于寇至丙寅年自楊六初撫職竟得罪于主撫者幾以此被參撫賊得志而愈驕職力單而益窘苦可知

靖海紀畧卷三

十 別下齋校本

也戊辰年鄭寇與李寇同撫聚眾三萬餘人議撫之後越半年而蟻聚不散者尚以萬計仍肆行劫掠與同民為難護持鄭寇者奉之若驕子職曰不然不抑之則蕩不斂撫不就日督率同之子弟以撲殺之約三百餘賊俱有申詳案證是時鄭李兩賊聲聲報怨而卒不敢動噫使李賊此時叛而職尚復有性命耶夫以空拳而搏飢虎走險履危徼倖于萬一苦可知也此皆正月以至七月間事至十月初旬而李賊叛去矣無一將一兵之可恃止有鼓舞鄭寇令彼自相熬煎兩月之內殺巨首真賊以千計借賊以勦賊亦是天道之巧乃鄭寇足高氣揚藐眎李賊入廣窮追以召今日之禍至今日而云

撫與前番更難前者鄭寇目中無人明知無將兵之足畏而猶然謔言鼓煽反覆不定也今日李寇大讎在側如坐鍼氈職欲聯屬之使之信欲駕御之使之服即令武侯復出恐亦不能洵是千苦萬苦苦不了也台臺亦聞之而心惻乎所望指之教之出迷途而登覺岸拜賜匪淺鮮矣

上熊撫臺

寇夥逃出有十分之四今所存船隻大小不過一百六十餘隻耳王通判廿四日過中左料里交還船隻器具恐堪用者未必交還也有出而解兩寇之紛者廿二日至同安令王前驅齋軍令狀著魁奇發誓畫字此亦兒

靖海紀畧卷三

十一 別下齋校本

戲事百方修備惟台臺主持

荅徐道尊

李寇但有貪淫別無主張殊不愜鍾斌之意船舫分泊其中必有變故職細細打算動手不得出口不得須密密使斌先叛魁奇而又須使魁奇全不疑我方能動而有獲此非可以旦夕計也台臺別有著數惟望時時密示

上熊撫臺

許一龍係心素子乃漳州府學生員巨奸惡種造謀叵測勾引李魁奇契子葉我珍聚集散歸夥眾置造器械非一日矣頃于十五日設酒在家款待我珍等百餘人

先將家屬搬下我珍之船一龍領賊數百從陸至沈宅地方攻打石兜土堡有八十餘賊隨龍踰堡直入矣眾賊環集在山聽一龍放銃為號幸天敗其惡連放十餘銃不響山賊不下鄉兵環堡擒拿殺四賊而生擒二賊一龍帶親兵衝圍而出隨下船脫走職即發一票姑云一龍被賊擄去原無玷於身名速著族長帶領通族人追之招伊登岸又走一論帖與李魁奇拘佳勿令逸走廿日已拿到矣職即當申解本道也

上熊撫臺

李鍾兩賊自相疑忌其機可乘也但鍾黠而李蠢使李圖之不如鍾圖之使鍾獨圖之不如芝龍合圖之益獨

靖海紀畧卷三

十一 別下齋校本

則勢單勝負尚半合則勢盛有勝而無敗李賊一鼓可擒也李光是鍾斌腹心光向應坐死職姑緩之正留其身以為今日用已差諭鍾斌刻下必有消息芝龍弟兄船盡為煨燼無用武之具職早已豫備漁船五十餘隻藏之他所賊所不能踪跡者臨期即調發漁兵千人駕之以助芝龍也

荅熊撫臺

李賊入我籠絡而其疑定是難釋以糧之給否為撫之真假賊眾紛紛叫號若不給或即有變修備未完何以制之職想此賊到底不能羈縻不若先以少少糧為餌容船器完備再作區處而聯屬芝龍是穩著也



上徐海道

鍾斌於十一月廿七日駕大烏船十八隻叛李魁奇而去矣斌船泊本縣之金門地方徘徊觀望似有意投芝龍而未果者職已差諭芝龍急收之聞其有所需於芝龍乃米糧器械也職以為姑與以聯其心圓轉以觀其變期于事之必濟方不虛從前著數耳職揆情度理鍾斌未必為我用但叛李則李必圖之兩賊勢同騎虎我用芝龍以佐斌驅除大難所謂因勢利導不煩懷策可安坐而指揮之也職邊見如此幸有以教之

上熊撫臺

鍾斌已叛李魁奇矣職已密令鄭芝龍收之本縣漁船

靖海紀畧卷三

三副下商校本

及壯丁一一豫整以待臘月望後便可舉事但斌最黠終必不為吾用將來下手審局又別有一番作用台臺其豫籌之職自當竭蹶奉命也

上蔡道尊此已十二月八日事

本縣漁船密藏晉江諸澳者五十餘隻修整完備枕戈以待至廿八日早令鄭芝龍兄弟統領各船并糾合鍾斌船為犄角幸遇順風不移時而至中左李魁奇率眾賊力鬪敗而脫逃出外遇銃擊復轉入海澄港追急下小艇欲上岸即被生擒矣職先督鄉兵各處埋伏防其陸逃廿八晚果有大賊首偽後衝把總曾瓊者聞風逸走帶領五十餘賊各挾利器渡至石崎登岸被鄉兵細

獲業已收獄旬日之內魁奇請餉三四次甚急職多方騙誘延捱不發今省得千金亦可為船器之資也

上熊撫臺

廿八日五更鄭芝龍統領漁兵糾合鍾斌揚帆直抑中左幸天助以風百餘里之程不移時而至亦快事也魁賊揮眾出戰船尚百餘隻賊不下三千而一時氣奪者正所謂出其不意手脚忙亂耳鍾斌實為先鋒魁賊實擒于其手蓋用其所仇其手倍辣而用力更奮也魁夥偽把總率眾陸逃職先埋兵以待一鼓而獲無一得脫另當解報中左腥穢一彈指間盡行掃除此亦近年未經見之事非仗台臺方畧曷克臻此雖然未足恃也鍾斌積賊多智使其轉一念曰今日之事我可以藉手于斌又何不可藉手于芝龍乎前事後事覆轍不遠驚旬之逝殆不可測矣惟台臺再籌之

靖海紀畧卷三

三副下商校本

上熊撫臺

鍾斌復領船南下矣據稱追擒叛黨恐猶是假說之詞此賊狡詐百端終不肯為我用也李賊哨頭時有擒獲職擇其惡之最者而處之不如是無以洩地方之恨耳芝龍在中左馭眾甚嚴人心暫與之相安乘此而修備為長久之計所仗台臺神算匪淺也

上熊撫臺

鍾斌船盡出泊大寮圍頭等處矣穀船漁船徧被擄掠

芝龍福河載下大桅以被奪去芝虎領兵取討勢必攻殺劉五店船俱往粵中捕魚已差人促之歸數日間亦必回澳職自當相機調度也狡賊意在乘風北上耽耽新造船隻宜百計防之

上熊撫臺

葉郁犯柘林甚惡彼曾無投順之狀職即欲開諭之而無從也前月廿七日已聞鄭芝龍密差人偵之未知其作何舉動耳廿五廿七兩日問鍾斌船盡去託言征勦葉郁收功回澳方食糧散黨職細察其動靜到底只是疑想其罪業深重無可消受也本道所發銀八百兩職竟齎發吳遊擊尚未入斌手即斌亦不願領其意之巨

靖海紀畧卷三

主別下商校本

測可知謹備之而已案葉郁乃李魁奇契子

又上

鍾斌追擒葉郁已往銅山之下聞已擒其小哨一二郁則遠遁海洋鄭芝龍委陳盛宇往招未有實息總之斌即不追郁亦自必出蓋痕腹未飽未可就撫洋船近日漸回耽耽逐之而特借郁以為題耳所恃台臺威足以懾患足以聯目下不至于鴟張而終必不為吾用也

上陸筠修司尊諱之

許心素為鄭弁所殺向傳以為真也職蒙台臺委查卽訊之鄭弁語多兩岐則殺似未真本府行票著伊家屬跟要而素之次男一龍斃于獄矣長男樂天遠竄久矣

若著伊房族挨緝則踪跡杳然正犯未必獲而無辜受累者多祇為差役生涯耳以是職躊躇未決刻下已取許姓迪族與其里鄰公結申府或可據此結局而又恐突有未死之心素出而為難于海上真有難之又難者其可否惟台臺裁之

上熊撫臺

鍾斌船踪仍分泊金門烏沙白坑等處小哨十餘隻往來中左擄掠洋客屢屢見告今向分布外洋以伺商船乃賊心之貪得無厭而曰防夷防葉郁皆託詞也此賊疑與狡并向斂手未動者全恃台臺乎威可格豚魚耳萬一終不受吾戎索則人日眾勢日強將何以圖之職

靖海紀畧卷三

去別下商校本

低徊再四惟台臺裁示

荅徐道尊

近聞鍾斌劫掠洋船人言其洋船盡而後招安職正恐船盡而未必安也鍾鄭左右彼此俱有腹心埋伏一言一動無不具悉以是謀事甚難有心漢子昨朱明景撫院不惜千金招之至于舌敝筆禿必不可得大抵奇杰之士千古亦難其人耳且賊之所收者非積年熟識之老賊則挑販無賴之下流卽有奇士插入殆不易也惟台臺再訪之

上熊撫臺

鍾斌脚跟不穩意圖逃出胸中全是危疑必有以其出

爾反爾之語告之者若一聽其逸出將來招集亡命劫奪商船與海上為難我永無安枕之日矣職已示諭之聊以醜功為餌庶有以繫其手足耳然此乃羈縻之法而實實取之必以威武蓋取李魁奇之局可以一試而不可再陳也聞斌之疑芝龍甚欲與龍南北分界立功此非斌真意祇因龍所處逼近近則謀之易遠則角取難耳職以為台臺正當因其疑而用之弔取芝龍到省城備船繕器消彼疑衷修我實事數月之內相機而動安知斌不復為魁奇哉惟台臺詳酌之

上熊撫臺時以入觀行乃庚午之九月

職五年苦海備嘗惡趣所不即殞越者恃有台臺逾格

靖海紀畧卷三

七 別下齋校本

鼎噓耳諸賊渠魁已殲脅從俱散惟是鍾斌一夥尚留遊釜餘魂迄今閱八月矣職百計羈縻以繫其叛足而戢其毒燄者尚為船器未備耳頃入會城諸武弁來謁云船楫尚有一二未完者再假旬餘便可理帆南勦而台臺刻期太迫強之出兵或未便益策貴萬全速之旬日與遲之旬日所爭不遠而堅瑕乃勝負所關此一出也安得不再一審顧哉又聞一有力者為斌作說以毋動為大職謂此局終無苟安之法不殺然獨斷而滅此朝食則廟堂之議恐不可測台臺亦未能弛于負擔也職行矣似可弗復言而猶不敢以事外真之所以報知遇之萬一且不欲舉職向來一片苦心付之一擲耳

惟台臺留... 鍾斌後果被戎兵窮追于十二月... 沉海身死從前大寇至此掃蕩

靖海紀畧卷三終

靖海紀畧卷三

六 別下齋校本



靖海紀畧卷之四

鹽官曹履泰大來著

年友 馮元颺爾弢 閱

宋 玫文玉 閱

門人 孫枝灼調玉 輯

蔡國光士觀 輯

團練鄉兵初示

同安縣為團練鄉兵以資守禦事照得海寇猖狂人心惶惑皆緣盛平日久爾民素不知兵故一見三五持刃即望風奔走至身家離散甚為可憂但此等醜類勢雖猖狂不過以海為強登山總無長技爾等驚逃則勒索

靖海紀畧卷四

一 別下商校本

勢無不至守禦則必然避去爾民但能各自奮勇拒賊何難為此示諭通縣鄉邨及沿海居民即便照依保甲每戶各備堅利器械一件仍各就保內推擇智勇武藝一人統率團練殷富之家量給鄉兵糧食以示鼓舞倘海賊登岸即便協力擊殺此皆爾民自衛身家至計果能擊殺真賊及生擒賊夥本縣定照依院道明文申請給賞有功首人另詳請給冠帶決不沒爾等功勞也特示

團練鄉兵條約

泉州府同安縣為保固地方事照得叛寇流突沿海地方最宜戒嚴本縣遵奉上司號令團會鄉兵捍禦業已

一呼立應據各鄉都會保團練殺賊頗有成效但人心渙散非有紀律約束野戰未免參差本縣今將訓練鄉兵條約開示各鄉都任事人等遵照施行俱毋違錯即便須至示者

計開

一選壯丁合保選丁壯幾百名每日若干名輪流更番守禦每名每日給銀三分飯食其哨隊長另行加給倘遇賊登岸一齊擒捉其未登岸之時先鳴鑼聞保以便家甲接應立大旗一面寫某保選鋒於百名中作四隊每隊給一小旗鑼一面螺一個

靖海紀畧卷四

二 別下商校本

一編家甲將所選壯丁外每十人為一甲立一甲長每保分作若干甲統於保長副遇鳴鑼之時保長副催甲長甲長催家甲即齊集接應  
一別旗幟每保設大旗一面每甲小旗一枝旗依五方色號大旗書某保團練鄉兵另一小旗書第幾甲臨時各依色號無襍  
一精器械每壯丁各要利器一長一短諸甲中各要利器時樹門首每壯丁給竹甲笠一個十人給牌一面十人給銃一個

一貯糧食就保內上中下分派一人收銀一人給發一謹瞭望每家甲於選壯丁外各保內日輪二人到某處瞭望倘有何事故即時到鄉約所擊鼓聞知仍赴本

保集眾凡保中有公事則到鄉約所鳴金鼓三通螺單吹倘是警報則鳴金雙螺齊吹

一修柵隘各保各巷俱宜修整柵隘其柵隘去處則合眾修整每日輪一人到總隘盤驗往來以杜奸細其入隘之人各要石二塊

一造金鼓每保各設金一面鼓一面螺一個倘有事故金螺齊鳴一保聞知則眾保俱鳴

一定賞罰遇賊登岸時奮勇擒捉者官賞外另一級賞銀貳兩有退縮不前者依法行事其保內遇有事故到約所鳴鼓三通每甲不到者即時公眾定罰仍解縣擬罪

一嚴約束爾輩修隘設兵總以身家為慮所選壯丁及諸甲除賊登岸須奮勇擒捉餘不得乘機生事違者究罪

靖海紀畧卷四

三 訓下 庶校本

左選鋒長某人 副某人 第一隊隊長某人 餘各隊倣此 巡視某人

右選鋒長某人 副某人 第一隊隊長某人 某保保長某人 旗紅色

一甲甲長某人 二甲甲長某人 餘倣此

選鋒民壯糧食依本保內家資稍裕者從公酌議上中下派助上助一兩或八錢中助五錢或四錢下助三錢或二錢設一簿擇謹實之人一人收貯一人給散每保

助銀俱係保長文人當眾登簿以便稽覈其給散之銀亦即當眾登簿以便查帳如有未給當再商畫事平之日將公簿結算如有餘貯看一兩用幾錢一錢用幾分扣算分還其有仰體上司德意念切梓里破格助銀者隨其自定凡諸同事之人宜相勉飭以共成勝事

給鄉兵糧糗議

泉州府同安縣為固守便民事照得海氛告警防備宜周本縣躬親督率團練鄉兵正如父兄之於子弟腹心之于手足一體痛癢相關者也思我百姓均隸茲土富者固有家貧者豈盡萍浮若以貧丁而專取給於富家之糧糗人眾則難給日久則難支欲圖安而增擾於

靖海紀畧卷四

四 訓下 庶校本

古昔寓兵於農之意大謬不然今折而衷之凡遇本縣操演之日聽各社殷丁量給貧丁口糧銀二分萬一有警執械禦賊悉照前示每人日給銀三分亦須一社之內通融協力至於平日或挑販或開舖或附近耕農聽其各自營生不得以團練束縛其手足使有以藉口而為殷丁之累庶幾永成勝事地方之福也爾各社長殷戶毋得驚訝以致規避取究此示

編造漁舟壯丁示

泉州府同安縣為軍務事奉軍門熊鈞諭仰縣召募漁民壯丁以備協勦隨票著各該澳甲同澳長副查造花名人數候用去後問有積包澳甲不體上意揮於催督

藉口漁民辦納課餉為辭庸知報壯丁所以防賊爾各  
自衛非是為兵但有事本縣出銀僱募無事聽汝輩採  
捕與課米無妨台行示諭為此示仰該澳澳長甲及漁  
民人等知悉速照原票報漁民壯丁人數照到五店澳  
編造隊伍冊報名澳長甲各正身速赴縣投遞面諭方  
畧俱毋違悞不便特示

### 申報漁丁文冊

泉州府同安縣為軍務事奉欽差提督軍務兼巡撫福  
建地方都察院右僉都御史熊鈞諭仰縣召募漁民壯  
丁以備協勤等因依奉隨該卑縣召募過本縣劉五店  
石滯等澳慣海漁民壯丁計壹千玖拾柒名聽各澳民  
請海紀畧卷四

五 剛下高校本

序編哨隊甲伍彙造花名文冊印鈐見在合就申報為  
此卑縣備錄開列具申伏乞照驗施行須至申者

### 團練漁兵欸目

一糧餉遇有警報本縣飛檄到澳澳長即時點集出水  
以是口為始每人日給銀三分如五日以內獲有賊船  
首級者除功賞另行外口糧每人日加二分錢糧俱本  
縣自處給發

一器械有自備者有官給者及火藥等項澳長各先料  
理毋至臨時方請致悞事機

一功次凡兇賊執械拒敵者俱聽澳民登時斬首赴縣  
報功寨遊將領敢邀搶及買求者稟明申究如真止被

贖不持兵仗逃水自匿或偃伏船艙者不許妄殺此又  
是各人自存心地毋造冥業何俟余言

一鹵獲凡牽獲賊船惟神飛百子諸大火器報官存用  
其餘刀鎗及一切所有之物俱聽有功員役自行分取  
以為剿賊之資

一船隻凡以擊賊致有損壞者即官為估計給價賠修  
所獲賊船各存該澳一面整理給澳長收管以便急需  
一應援凡澳口鄰近倘有賊船分踪突入者左右澳長  
俱須督率澳兵前後邀擊毋得坐眛

### 一重督率

泉州府同安縣為條陳便宜事據劉五店澳澳總高大  
請海紀畧卷四

六 剛下高校本

潘呈稱藩守分澳長近見狂賊縱橫不敢退縮據前本  
澳會鯨以林芳船為中軍許克俊船為副軍高方岳船  
為總督劉亦富高奇顯童志敬等船十五隻為衝鋒一  
隻管船四隻入俱入出俱出遇賊協勤遇靜採捕承為  
定規今有警報三社首既授以權而衝鋒亦當委之以  
柄倘間有撓惑眾志不從命者許網解究治則人人聽  
命而坐作進退有法何患攻賊不破等情到縣據此案  
照先為軍務事行著澳總高大藩將本澳漁船編成哨  
隊并壯丁姓名已經造冊申報軍門及興泉巡海二道  
外隨奉軍令著該澳民出海協勤叛賊去後今據前情  
合就票仰衝鋒船長劉亦富即便管督該澳漁船四隻



入俱入出俱出遇賊協勦遇靜採捕永為定規敢有抗  
違惑眾不聽督率者許細解本縣定以軍法處治決不  
輕貸須至要者

一定哨總

泉州府同安縣為軍務事蒙與泉道左右政使蔡憲牌  
奉軍門憲令聯絡各澳漁舟協力應援已經行縣編造  
到道今該縣各澳未有哨總統領各汛地未有酌分定  
派備牌仰縣即將所屬各澳漁船應何哨總統領後開  
要害汛地應以何澳漁船應援確具詳報覆查督行  
寨遊遵照其劉五店一澳義勇為最相應另議協援中  
左要地或往來併援各處併議具報等因蒙此行據澳

靖海紀畧卷四

七 別下廣校本

總高大藩等僉舉許克俊足當哨總之任等情到縣據  
此除一面呈報本道外合就帖仰劉五店漁民哨總許  
克俊即督該澳漁兵船隻合船出海協同官兵勦捕劇  
賊不論中左金門料羅澳頭等處汛地如遇寇警俱要  
首尾相救期于制敵有功之日另行破格獎賞決不負  
爾功勞敢有抗違不遵者自有軍法在勉之慎之須至  
帖者

一議應援

泉州府同安縣為軍務事蒙欽差整飭分巡興泉道兼  
管兵備福建布政使司左布政使蔡憲牌奉軍門憲令  
聯絡各澳漁舟協力應援已經行據該縣編造到道查

各澳未有哨總統領至於各汛地應援未有酌分定派  
備牌仰縣將所屬各澳漁船應以何哨總統領澳頭烏  
沙金門料羅烈嶼中左等要害汛地應以何澳漁船應  
援其劉五店一澳義勇為最相應另議協援中左要地  
或往來併援各處一併議妥具報等因蒙此隨該本縣  
知縣曹看得賊情叵測所犯之處未可一定該縣原編  
各澳漁船議欲以本船自防本澳一有突犯人自為守  
如上年寇至往往分犯各澳則本澳人船豈肯棄自己  
而救他人又況大小參差堅脆不一督令遠山征勦又  
未便也其所最稱壯勇人船可以調遣者則惟劉五店  
一澳已經卑縣設立總哨許克俊權宜給帖督令跟踪

靖海紀畧卷四

八 別下廣校本

詳

會集協勦

泉州府同安縣為軍務事蒙與泉道巡海二道憲牌奉  
軍門令牌到道仰縣即督鄉漁民與官兵協勦叛賊有  
功破格行賞令照叛賊聯踪內犯合就示仰該澳澳長

著各哨長卽督冊報漁民壯丁齊集赴劉五店澳聽與  
泉道割授哨總許克俊約束同該澳漁船民兵合踪於  
中左金門料羅烈嶼澳頭烏沙等處協同官兵勦捕有  
功破格行賞敢有抗違不遵者卽將本人網解送縣治  
以軍法不貸各毋違錯須至示者

查申漁兵功次

泉州府同安縣爲偏師深入巨寇重圍敗寇捷事崇  
禎元年十二月二十五日蒙本府信牌蒙興泉道左布  
政使蔡憲牌奉軍門熊令牌據守備鄭芝龍報稱親督  
二十三船并同安縣曹親行調發劉五店義兵漁船擒  
獲賊犯三十名口小船七隻等因到縣看得鄭芝龍與

靖海紀畧卷四

九則下廣校本

劉五店漁民能以寡敵衆挫賊衝鋒以爽其膽功殊足  
錄仰道將鄭芝龍及所統各總紀錄示勸劉五店漁民  
有功者查賞鼓舞仍行芝龍督兵乘勝長驅務要蕩平  
海氛以膺題敘其劉五店倡首漁民有功亦一體敘賞  
擢用全得同安縣親督鼓舞就中恩威操縱苦心協助  
其勞尤不可混一併查覈報院以憑特敘等因依奉備  
牌仰府轉行路將防館查實有功漁民員役分別敘功  
紀錄等因蒙此除鄭芝龍官兵另行路將防館查敘外  
備牌仰縣卽將劉五店義兵漁船與鄭芝龍南征有功  
人民分別功次姓名備造支冊一樣三本繳府轉繳仍  
行該澳漁民用心協勦蕩平海氛以勵後效等因蒙此

案查本年十月初間劇賊李魁奇叛撫奪船流突各澳  
卑縣卽先行督飭沿海鄉兵堵截擒殺去後旋奉本都  
院鈞諭仰縣召募慣海漁民壯丁以備協勦卑縣隨召  
募過劉五店一澳漁兵四百九十二名堪用漁船二十  
三隻石滸等澳漁兵共六百單五名計一千九十七名  
稟造姓名支冊通報外續爲軍務事蒙本府信牌及奉  
興泉巡海道憲牌奉本院令牌到道行府帖縣聯絡  
漁船民兵與官兵互相應援併力攻勦等因又蒙巡海  
道憲票項見澳民忠壯可嘉該縣相機發縱恩信素孚  
上下一心緩急足賴水道深爲色喜便宜與申明約束  
一切糧餉器械船隻兩獲功次各條款傳示各澳長曉

靖海紀畧卷四

一則下廣校本

論明悉勉建功績以膺官賞等因又蒙興泉道蔡憲牌  
照得叛賊聯鯨北犯合備牌仰縣卽調發劉五店澳總  
高大藩招集各漁船民兵整肅隊伍遇賊買勇勦捕有  
功照格行賞獲有賊賊盡數均分該縣親行督率務收  
獲醜奇功并奉行查漁船應以何哨總統領等因依蒙  
隨查有許克俊者誠實幹練足當哨總之任具繇呈請  
興泉道給割授以冠帶名色俾得便宜調度卑縣仍親  
到劉五店澳督率各漁民聽許克俊調撥坐駕船隻與  
鄭守備跟踪協勦去後本月十一日據哨總許克俊社  
首黃汝默等僉呈爲南征捷報事稱蒙著督率漁兵協  
勦初六日午時開駕初七日午時到烈嶼城角與鄭守

備齊泊適報賊至井尾俊親督林芳等船九隻同往協  
攻餘船四十三隻駐劄舊沿嶼接應初八日黎明果遇  
賊船四百餘隻在井尾港口兵漁夾擊擊沉賊船四十  
餘隻賊眾溺死無數當獲穩底船二隻內殼四十四石百  
子銃三門郎機銃三門撻刀長鎗其十六枝高岳船生  
擒賊五名劉憲周船斬賊首一級許默船獲賊妻帶幼  
女共二人皮甲廿一領皮釜十頂另大鎮銃五門大鎮  
子五個解報到縣隔別研鞫真賊一名葉富賊嬖陳氏  
等其四名何三紀字耀蕭其進紀字瑞俱係被擄各情  
真的隨該本縣知縣曹參看得撫賊李魁奇出叛駕言  
分財不均與鄭芝龍為難芝龍發憤驅除順逆之志分

靖海紀畧卷四

十一 則下 查校 本

而存亡之幾決矣頃十月初間魁奇糾集賊夥連艘北  
上芝龍整支出勦氣雖銳而勢尚單卑縣督令劉五店  
漁民六百餘名駕船五十二隻初六日開駕初七日跟  
隨官兵船綜齊泊烈嶼城角適報賊至井尾澳總許克  
俊奮勇先登帶林芳等九船為衝鋒以四十三隻為後  
應初八日大戰兵漁夾攻擊沉溺死不可以數計現擒  
船二隻及稻穀兵器等物高岳一船生擒賊五名劉憲  
周一船斬賊首一顆其一名葉富向投周三老令轉投  
李魁奇往還閩浙之間久肆焚殺之慘其為真賊無疑  
也乃所供同獲四人曰何三紀字耀蕭其進紀字瑞或  
斃於官塘山或擄於梅花所或擄於蚶江之漁船其記

憶地方年月供吐畢真曾無一語指被擄者為賊則賊  
之良心故自不昧也及弔何三等隔別研訊覆口相同  
則其為被擄益無疑所當即行放釋以雪其冤者也煩  
人一口供稱陳氏二月再醮期享賊賁而嫁賊死賊旋  
同露艸所當官賣以為犒軍之資者也此一役也何出  
師而暮奏凱雖曰小勝不足為喜而以順勦逆勢如破  
竹亦足見漁民之用命可謂不負任使之兆也殼四十  
石聽各船均分船二隻發澳備備出勦皮甲皮釜大鎮  
銃大銃子百子銃郎機銃撻刀長鎗諸器仗俱貯庫賊  
首一顆發懸示五通渡口具錄於十二月十二日連人  
解詳興泉道蔡查審轉詳蒙批出陣獲醜足挫賊鋒該

靖海紀畧卷四

十一 則下 查校 本

縣董率漁兵功可嘉尚被擄何三等已行晉江縣安插  
遞解葉富審係真賊仰縣確報報奪賊嬖陳氏官賣與  
賊穀俱充賞格器械分發各澳禦寇船修用賊級懸示  
漁船四十三隻為後應有無規避不前一并查明可也  
又詳蒙巡海道徐批該縣指顧不勞坐收勝算何渠書  
生不為將耶許克俊宜優賞以作其氣賊犯及被擄人  
等仰候興泉道詳示行繳泉州府批據詳漁民奮勇助  
順朝出而暮奏功則該縣鼓舞以制勝也應行申敘併  
獎賞漁民統候道詳示行繳各遵照外本月二十一日  
又據劉五店哨總許克俊澳總高大藩等呈為擒獲海  
洋巨賊事稱本月十八日午時俊親督童志敬等船二



十一隻全社首黃汝默等哨隊壯丁五百餘名協勦叛賊酉時至青崎澳停泊十九日寅時齊出烈嶼城角適鄭守備船開第南下倭令眾船跟躡午時至鎮海洋遇賊船二百餘隻兵漁夾攻銃石雨下兵船所獲不知其幾申時收入鎮海澳倭等船且戰且追攻圍大賊船自未至西交戰百合本船被傷漁兵曾好仔高一龍舵工李仰懷等十餘人賊船被銃打壞犁倒賊眾溺死無數生擒真賊五十一名生斬賊級七顆羣賊望風逃竄莫知去向二十日午時兵船收入中左西時倭等船收入本澳謹情回報內并將賊犯及首級解送赴縣隨該卑縣親驗得漁兵曾好仔高一龍舵工李仰懷三名頭額

靖海紀畧卷四

三 別下 齋校本

傷重餘俱各帶傷是昐取各賊隔別研鞫黃進老等各供真情在案仍該卑縣看得叛賊李魁奇糾集各夥聚蛇蝎於一穴誇耀黨與之多傳播誇張之說幾令懦夫股慄乃鄭芝龍以二十餘舟當賊數百巨艘僅僅漁船佐之奮勇以出必有獲雖人用其命亦天助其順也是月十三日李賊戰敗南下志在必報焚小舟而聚眾于大船以圖必勝十九日揚帆而來鄭芝龍發舟迎之劉五店哨總許克俊選駕大漁船二十一隻勇壯五百餘名跟蹤協勦行到東旋遇賊船二百餘隻見我師仍復驚避兵船追殺巨艦漁船圍住鳥船二隻船被擊沉諸賊溺死而斬首七顆生擒黃進老等五十一名口

細訊之或從叛出逃或別夥投入俱已列名更圖臨陣扒城各各對敵負傷則為真賊無疑也惟是擗年小斯二口擗為阿孃情實堪憐即當與開一面者夫眾寡之勢相懸數倍而望風逐北偏在烏合之眾乃知賊不敗于弱力而敗于多心天若假手于李賊而招之聚正所以速之亡也可為奮志立功者券矣賊首發懸渡口舵工老尤三偏身受傷隨于二十一日身故已經相驗發埋其漁兵曾好仔高一龍李仰懷被傷獨重應各給銀壹兩以為調理之資童志敬等亦應計功頒賞其緣連人解詳與泉道蔡覆審轉詳及通申巡海分守二道各去後今蒙前因遵依行著哨總許克俊查將統領該澳

靖海紀畧卷四

西 別下 齋校本

漁船民兵前後與鄭芝龍南征有功人民分別功次姓名冊報到縣嚴勘無異彙造文冊一樣三本印鈐見在合就申報

行賞有功

泉州府同安縣為軍務事本月初一日蒙興泉道左布政使蔡憲牌奉提督軍門熊令牌照得叛賊李魁奇等結夥三百餘艘屢肆侵犯而鄭芝龍與劉五店義兵以寡勝眾屢獲奇功誠可嘉尚合就行賞備牌仰道行縣即將發去銀壹百兩內三兩賞哨總許克俊其船總哨長社首林芳高岳童志敬等二十七名暨陣亡被傷漁民俱聽該縣分別賞賚優卹完將賞過功次名數造冊

呈報轉繳等因蒙此隨行據哨總許克俊全澳總高大  
藩公議應賞人數功次冊報到縣據此合就發賞爲此  
票仰該哨總許克俊將發去銀一百兩全澳總高大藩  
照單頒賞各船總哨長社首及被傷漁民人等收領完  
卽回報毋得違錯不便須至票者

請賑中文

同安縣爲急請發倉以濟時艱事照得同安濱海田少  
民稠米穀不給頃因海寇流突外運不通兼之荒旱頗  
仍去秋迄今七月不雨二麥失種民益惶惶計無復之  
方今穀價騰湧斗米百錢飢孳載道死亡橫野口擊傷  
心焦思無措查本縣預備倉內貯穀五千餘石原以司  
賑民命合無請乞發穀五百石容本縣於東嶽梵天與  
各鄉公所親行煮粥賑濟庶幾少救殘喘之萬一涓滴  
總上臺之鴻造也緣係請穀賑飢事理云云

勸諭捐賑

泉州府同安縣爲賑救貧民事照得年荒民飢餓孳載  
道本縣已經申請倉穀賑濟指日詳允卽當煮粥以甦  
殘喘之萬一正在延疇幸蒙撫院軫念民瘼特蠲廩給  
銀一百五十兩發縣買米賑民如此德意從來所未有  
子叨司牧豈能忽然但勢值其窮欲蠲而竟無可蠲姑  
將本縣俸資百兩買米助賑涓滴之施知無益於涸甯  
而一點相關至情聊以自表云爾凡我地方家温食厚

故自不乏誰無不忍之心亮難爲路人之睇各隨所願  
多寡施賑本縣不能強亦不能已於言也爲此特示

設法賑濟

從來賑飢祇有設廠煮粥而已本縣始亦爲之集飢民  
於東嶽廟其地最寬可聚數千人衆飢民至晝地使坐  
數十人分粥以漸而及初猶帖然徐而枵腹難待也坐  
者起矣分者亂矣越次攘奪食器俱碎仍是強壯者得  
食老弱者啼飢于賑之法無當也于是次日改而分  
米定賑所四本縣與衙官及鄉紳蔡虛臺各居其一凡  
男孀成丁者口給米六合未成丁者給米四合卽遊負  
者亦給米二合賑畢各所舉銃爲號放飢民齊出庶幾  
領無重疊而人得均沾况煮粥分賑僅救頃刻之飢而  
分米自煮可飽一日之腹此法似乎較善

靖海紀畧卷四

去剛下齋校木

靖海紀畧卷四終

同里曹方城先生諱履泰中天啟乙丑進士出宰同安  
時海寇鄭芝龍出没海島思絕浙福二省爲坐臥處視  
同安猶几上肉耳先生曰吾能以無兵守之嚴保甲練  
鄉勇諭以自衛法曰若保國家卽保爾妻子又曰吾不  
籍爾民但以父兄令子弟耳未幾芝龍就撫同黨李魁  
奇挾鍾斌以叛蹂躪中左中左去城三十里許先生曰  
率父老子弟出軍容甚盛諸賊相戒弗犯先生曰鍾黠  
於李吾當使賊自屠之乃陰攜其黨不數日魁奇成擒  
斌投水死海患息擢吏科給事中先生以芝龍反覆爲  
患乃疏論曰長勝之算在於自強不拔之業存乎根本  
烏附可攻毒而續命必藉參苓鍼砭可偶試而養生必

靖海紀畧跋

一 別下齋校本

資五穀閩之用芝龍烏附也偶試之鍼砭也選將鍊兵  
舉賢治賊參苓五穀也不此務而任一芝龍辦之難哉  
會浙東西早大吏不以聞又上書言浙輸輓之煩加派  
之重今民力已竭加以荒旱使民坐而待死不忍言也  
使民不肯坐而待死尤不忍言也復承間言戚畹不宜  
與政及論秦晉撫賊之非疏凡數上報聞而已後疏叅  
李希揆爲大璫羅織受誣當戍嶺南囚服騎驢出都觀  
者歎息至宏光僭號祁中丞世培疏訟先生寃至南都  
馬士英欲結先生爲緣先生不可投劾去復入闕見唐  
王白鬚戟張跪起而泣出見鄭芝龍流涕反覆勉以盡  
力授太常少卿游至兵部右侍郎隨唐王起兵至黃臺

兵潰先生擲身百丈巖下兩足血注氣絕復蘇遇雨僧  
攜至黃巖寺爲僧子元方求之強之歸疽發背卒元方  
中崇正癸未進士知常熟八閱月不再出先生宰同安  
時與大府札論海寇及曉諭約束之文編爲靖海紀畧  
四卷息素習問先生德政因從其弟孫步垣索其稿授  
諸梓又著有浪吟集一卷已行世家世事實具詳邑先  
輩吳先生大冲所作墓誌銘不備錄邑後學蔣光煦謹  
跋

靖海紀畧跋

二 別下齋校本



# 東江遺



東江遺

東江遺

請史者謂明之亡也有君而無臣以思陵非亡國之君也然其所以亡有三道焉急于求治率于用人閣于度事急于求治則賢不肖並列曲直不分止期速效每討一方未行而先與姓日率于用人則巧佞媚嫉者競進正直諍言者日退董同代異中外紛集閣于度事則借餉汰兵用內臣監督將帥至四海鼎沸有瓦解之勢猶委用體仁延儒副昌一輩當國敗君賄貨陷害忠良夫如是須臾延國命得乎是以周皇后之將自盡也泣而曰陛下在位一十七年未嘗聽妾一言今日之死固其所矣聞者莫不為之涓涕夫毛文龍之死天下盡知其冤迨袁崇煥既伏厥辜即當下詔表暴二人功罪庶幾激勵邊疆而作士氣至

### 序

其子承祿為父泣血籲哀朝中竟置不省這乎國變又十餘載卹典始終不下尚得謂賞罰之明乎今去勝國且百數十年一二故老猶有借文龍抱不白之冤于地下者差從各紀傳輯錄為一編曰東江遺事凡二卷以俟後人論定且使貪功害能者知天道之不爽至于東江既失有識寒心乃中朝若不介意造

我

太宗文皇帝每降心相從欲修鄰國之好而思陵辛岸然不顧馴致流賊披猖躬殉社稷嗚呼請是編者亦可以悲其志矣

嘉慶丙寅夏六月滄江漫叟志

東江遺事目錄

卷上

毛將軍碑

援遼功績

卷下

熊廷弼傳

袁崇煥傳

錢龍錫傳

朝鮮傳

袁崇煥

毛文龍

毛帥東江

東目

錦寧戰守

崇禎朝紀畧

也是園雜錄

毛太保公傳

毛總戎墓誌銘

耿靖南傳

尚平南傳

孔定南傳

東華錄



東江遺事卷上

滄江漫叟

毛將軍碑誌

平遼總兵官左軍都督同知毛公功德碑

七月朝鮮立奮忠營謨立紀明倫靖社功臣輔國榮

祿大夫兼議政府左贊成判義禁府知書廷奉秋館

成均館事宏文館大提舉藝文館大提舉金寶瑬撰

通政大夫行曹參議李滿書崇政大夫行兵曹判書

兼同知成均館事金尚容嘉議大夫平安道觀察

使兼兵馬水軍節度使平壤府尹巡察司李尚奇立

石碑文不載銘曰噫噫往歲羯虜造監聳我清邊鯨

吞豕突急莫之遏傑壘無堅全遼右壤猶難搶據原

東上

墟腥羶公時情切忠胆激烈齧牙張拳獨立一叫揭

義為號趨者爭先昌投昌倚俾賊顧忌以掣以宰謂

我共濟克協大計鷄首東偏獲醜復鎮軍聲始振天

討行焉出入遼瀋形格勢禁固或恣前伺疑縮頸不

敢西逞關防賴全瞻彼椒島洪濤森漾處得其便洋

津晏帖履坦不踰就亮如天激以忠義其歸如市累

累連連曰公父母開口望哺餘喘其綿匪公是任吾

其左袵長城屹然得人死力功章龍錫褒詔翰宣神

旗豹尾以隆闡寄節制斯壽大業未了概見其效四

海望延吾言不失有特史筆有奇凌烟撫甯戴石先

徹其績疇壽其傳

援遼功績明末備案

援遼都司毛文龍今將建過功績開列于後

計開

一萬歷四十八年十月初七日統兵到于杏山寨遇敵交戰親斬首級一顆部斬首級二顆報解蒙左監軍參政高詩出驗功轉解蒙監軍御史陳諱王佐驗功賞花幣銀牌八兩詳批毛某淨身是胆滿腹皆兵本院不日題請好大將材也檄及批知州趙宋儒樹功報蒙經畧部院熊諱廷鈞驗功槁賞花幣銀牌四兩紀錄報叙

一秦昌元年十月二十九日倡義捐資承造生牛皮制道甲滾馬牌錄火箭火磚火榴火雅等器解蒙左監軍參政高 驗堪開薦毛某捐資採料造制破夷

東工

器物實在不辭勞瘁畧得方堪宜效用等因報蒙經畧部院熊 驗肯紀錄該道有卷

一天啓元年七月初十日統領官兵張榮李景先等及同生首王一益等到於鎮江廣鹿島拿獲敵不知姓名一十三人解功有卷

一天啓元年七月十九及本月二十一日奉蒙靈遠道副使王 憲委統駕沙虎船隻官兵張攀等前往鎮江等處哨探夷情訪遇敵姪兒佟養真出守鎮江

標下中軍陳良策報稱願同蒙海道廉使陶 憲委遊擊王紹勳守備仇世隆千總李應坤尹大陞等結連叛逆內應徐承柏陳繼盛王輔張魁張滿國舒

國龍鄧子禮李泗鄧子智凌達凌彥明曹景柏徐甫

韋世豹等及同陳忠蘇耆民李景先汪邦翰張機博瀛等到於鎮江願同拿斬敵姪佟養真及叛二子及保官李國相等九十四人餘黨無算及俘九名其內將二十三名解蒙靈遠道副使王 憲驗二十三名內止解六名到京其內王一益得財膏放李國相轉逃往向山殺死逆人無限國相冒下門子姜東會今改名毛有壽有卷可查

一天啓二年十一月十九日統兵項選毛承祿時可達王輔等到於千家莊地方遇有敵三千餘騎力戰視斬首級四顆部斬首級八十七顆差官解蒙經畧閣部孫 驗功叙報有卷

東工

一天啓三年五月二十六日統領官兵張盤毛承祿許曰省王大鎮陳大昭張魁王承鸞等到湯站地方遇有哨探敵三百餘騎當即圍勒斬獲首級一百二十八顆得獲敵馬十三匹弓箭器械一百九十八件差官解蒙經畧閣部孫 驗功叙報有卷

一天啓三年八月初二日統領官兵毛有傑仲明承祿毛永第陳希順王士善陳繼盛徐孤臣曲承恩等到鳳凰城遇敵四王子帶領大兵紀擒鎮江路達

交戰親斬首級一顆部斬首級二百五十一顆斫死無算獲敵馬二十一匹弓箭器械三百一十七件差官報蒙經畧閣部孫 驗功紀錄有卷

一天啓三年十月二十九日統領官兵陳繼盛毛承祿沈世魁劉可紳毛有傑毛有義張魁曲承



恩項選龔正祥陳汝明等到於雪裡站地方過敵一萬餘騎力戰親斬首級二顆部斬首級九十五顆殞死無算差官解蒙經畧閣部孫 驗功紀錄有卷

一天啓三年十一月十一日統領官兵陳大誠龔應禎項選陳希順徐俊龔正祥許日進毛承祿毛永第毛有傑沈世魁易承忠毛有功等在于白羊口地方過敵三千餘騎力戰親斬首級一顆部斬首級一十七顆殞死無算差官解蒙經畧閣部孫 驗功紀錄有卷

一天啓三年十二月初七日統領官兵陳繼成曲承恩王承鸞毛承祿毛永詩即孔毛永第王士善龔龍黃虎龔正祥葛應禎徐俊項選陳世忠宮養練馮有

東上

時張繼善等到於會安堡地方過敵五千餘騎交戰部斬首級七十一顆殞死無算差官解蒙經畧閣部孫 驗功紀錄有卷

一天啓四年七月二十八日統領官兵毛承祿項選毛永第張繼善陳繼成王承鸞龔龍毛永選馮有時趙顯武龔正祥陳大誠徐俊葛應禎王命卿朱家龍等到於孤山地方過敵一千餘騎力戰親斬首級一

顆部斬首級一十九顆活拿二十九名夷婦二口差官解蒙經畧閣部孫 驗解獻俘有卷

一天啓四年十二月初九日統領官兵到于丁泊地方過敵五千餘騎力戰部斬首級十九顆活拿哈上把等二十七名於天啓五年三月內差官汪崇孝等

解蒙經畧閣部高 驗功獻俘有卷內閣有功行領毛承祿陳繼成龔龍陳汝明易承忠王宗忠王承鸞毛永第徐俊王韜馮有時李柏等十二員名

一天啓五年十一月十三日統領官兵陳繼成項選龔正祥徐俊毛承祿王韜毛永選毛有傑劉應龍陳大誠李柏等到於永靈堡地方過敵一千餘騎力戰親斬首級一顆部斬首級五十三顆活拿十三名夷婦一口于女三名口差官解蒙經畧閣部高 驗功獻俘有卷

一天啓七年四月初七日統領官兵曲承恩毛湯毛永加等同朝鮮昌城大宇協同龔正祥毛有餘毛永華等到於瓶山地方過敵擒鮮放銃打燒首級及款

東上

遇用埋伏黃州陣地鐵鳥差角利鳥銃打死不計其數塘報各衙門有卷

一天啓七年四月初八日統領官兵尤景和費尚元劉登科毛有松毛有松曲承恩王承鸞王吉善等到於鴨綠江口相機截殺擒鮮敵一百餘人得復糧米牛共七十頭陣傷官兵劉登科毛有松中矢身死塘報有卷

一天啓七年五月初十日統領官兵毛永福何友直馮有時林茂春李繼成毛永榮毛永祿陳繼成等到於朝鮮昌城地方力戰擒鮮敵部斬首級一百三顆

砲打死者屍橫郊野塘報有卷  
一崇禎元年五月十三日統領官兵劉遇時毛有第

毛永選易承忠陳世忠徐俊等到於鎮東堡遇敵一千餘騎力戰親斬馬經緯等一十三級活拿大社臣等六名差官解京刑部有卷

一崇禎元年十月初九日統領官兵馮有時張星宮養煉徐俊毛有傑毛永詩等於鎮江高嶺地方得獲敵所用金州備禦劉愛塔等帶同家眷男婦二百三十一名口來歸南朝查詰無異差官張星塘報有卷

以上一十八款俱上塘報

一崇禎元年四月二十五日一本兵變已難弭息事  
一崇禎元年四月初二日一本夷情事差官劉可進塘報

一崇禎元年六月初八日東鎮毛一本夷情緊急等

東上

事

一崇禎元年八月初一日東鎮毛一本董鎮稱狂負心事

一崇禎元年八月十七日一本欺君巨奸罪極耗國大蠹晉盈謹據目擊宜聞直清宸聽仰祈聖明正法速賑以快人心以報邊威事疏總兵楊國棟本

一崇禎元年九月初五日一本夷情差官都司仇世隆塘報

一崇禎二年三月初三日兵科張鵬雲一本海上善後宜周等事

一崇禎二年三月初三日兵科計一本東江踪跡可竣事

一崇禎二年四月初二日一本敵情事差官林士奇塘報

一崇禎二年四月初十日一本敵情事差官張國威塘報

一崇禎二年四月初二日東鎮毛一本敵情事

一崇禎二年四月初十日東鎮毛一本敵情事

一崇禎二年閏四月十三日督師袁一本歷海道等事

一崇禎二年閏四月十七日一本揭為小邦首道以從登萊來往乞勿更易以免顛覆之患事

一崇禎二年閏四月十七日東鎮毛一本揭為小邦等事

一崇禎二年閏四月十八日東鎮毛一本敵情事

一崇禎二年閏四月十八日一本敵情事差官林士奇塘報

東上

一崇禎二年閏四月二十日督師袁一本恭報出海事

一崇禎二年閏四月二十二日兵部一本緊急敵情事

一崇禎二年閏四月二十三日兵部一本謹陳始終等事

一崇禎二年閏四月二十四日兵科陶一本直言第

一崇禎二年五月初二日督師袁一本恭報行海程

一崇禎二年五月初二日督師袁一本恭報行海程

一崇禎二年五月初二日督師袁一本恭報行海程

一崇禎二年五月初二日督師袁一本恭報行海程

期仰慰聖懷事

一崇禎二年五月十三日東鎮毛一本三軍命若懸絲等事

一崇禎二年五月十三日一本三軍命若懸絲孤臣勢如疊卵亟懇聖明俯賜乾斷以濟糧餉以活飢軍事

一崇禎二年六月十九日兵部會極門接出殺東鎮毛帥事

一崇禎二年六月十九日督師袁一本恭報島帥逆形等事

一崇禎二年六月二十四日兵科宋鳴梧一本罪帥正法等事

東上

御史王應斗已巳年六月二十四日一本逆帥伏誅事奉聖旨東江善後事宜一聽督師區畫軍機國體相關議論不合搖惑着諭申飭行

一崇禎二年六月二十四日御史王應斗一本逆帥伏誅等事

一崇禎二年六月二十四日督師袁一本島帥伏法等事

一崇禎二年六月二十六日兵科陶崇道一本東江之處分事

一崇禎二年六月二十六日兵科宋鳴梧一本罪帥伏法事

一崇禎二年六月二十六日兵部一本罪帥伏誅事

一崇禎二年六月二十八日督師袁一本臣罪萬無可逭聖明垂察非常謹望閣謝恩事

一崇禎二年七月初三日兵部一本罪帥伏誅東局易結畧陳善後事宜恢復大畧仰祈聖鑒事

一崇禎二年七月初三日兵部一本東局易結等事

一崇禎二年七月初三日兵部一本敵情事

一崇禎二年七月初四日兵部一本東揅交構事

一崇禎二年七月初四日督師袁一本開報本年五月二十二日起殺毛帥始末

一崇禎二年七月十四日關院方大任一本罪帥伏誅等事江西道毛九華已巳年八月初一日一本逆帥已誅事奉聖旨毛文龍罪狀前諭已明如有奸徒

東上

住京徑造流言的着五城嚴拿正法龔正祥督師查處具奏該部知道

一崇禎二年八月初一日兵部一本秦疆最急事

一崇禎二年八月初三日江西道毛九華一本逆帥已誅事

一崇禎二年八月初六日南京廣東道劉養粹一本海外等事

一崇禎二年八月初九日江西道毛九華一本逆帥已誅等事

一崇禎二年八月初十日河南道范復粹一本一崇禎二年八月初十日河南道范復粹一本仰遵聖旨事



一崇禎二年八月初十日雲南道王應斗一本逆計伏誅等事

一崇禎二年八月十一日督師袁一本奏陳皇賞事

事

一崇禎二年八月十三日兵部一本酌盈濟產事

一崇禎二年八月十五日督師袁一本東島需米甚急事

一崇禎二年八月十五日兵部侍郎魏允中一本月鎮兵募事

一崇禎二年八月十六日兵科陶崇道一本東事之處分子事

東上

一崇禎二年八月十七日督師袁一本臣罪為不可

還事

一崇禎二年八月十七日兵部一本欽奉聖諭事

一崇禎二年八月十九日兵部一本敵情事

一崇禎二年八月二十二日兵部一本緊急敵情事

一崇禎二年九月十二日兵科張鵬雲一本元兇授

首事

督師袁 己巳年六月二十八日一本島帥伏法事

奉聖旨覽奏區畫東江善後事宜具妥確島兵數既

無多應否置帥着即與議覆毛姓兵丁悉聽歸宗有

才可用的依舊委用餘俱遵諭行該部知道

一崇禎二年十月初一日兵部一本查議軍職官員

事伏照督師袁 咨前事將錦衣衛帶俸指揮使毛雲龍並東江叙功毛文龍廢一子指揮使盡行革除移文該衛遵行

東江總兵毛文龍一本敵情緊急專職滅路過颶風仰祈聖鑒事臣聞君父之仇義不共天况敵情紀順寇業倒置名分掃地極矣臣子安枕而卧之時謹以開洋帖末請奏其詳崇禎元年六月初八日登州海防道王廷試奏告出查閱據各島精兵當臣標下訓練兵丁原共有一十五萬餘除在僻島防守者分去大半其所開經查僅止六七萬道臣堅執多過宗例務欲裁截多減臣初心甚覺不平道臣極道東民疲困帑藏匱乏且勸之以忠君愛國之心臣又見

東上

其清即自待飲食不過匙中之一杯水違民思慕真嬰孩之荷慈母故臣雖久抱沉疴身體曾立四疏力懇寬宥正在謝事之時何敢再為多言仰冀聖主之隆恩兼以道臣之感諭又復何以不勃然動念一聽其憾決更奮起任事之初念臣隨于本月十六日調各官營將領點驗船隻親往沿島慰諭厚心分遣老幼屯種因而擒拿海洋大寇至七月十五日臣自旅順回長山副總兵毛承祿報稱敵准於二十二日西抵關寧臣一聞言不覺心胆俱碎隨傳令各島將領挑選步卒分路截殺臣親督精兵隨帶沙唬等船五十餘隻揚帆旅順直抵三岔河地步敵之來路而截殺之不意一路逆風于八月初二日鐵山嘴開洋過

東北龍風大颶臣所坐船桅舵俱折陷蕩四日四夜命懸頃刻各將船隻絕無影響臣親至黃縣海口鄆都縣地方距登州四十餘里稍得總息危而復安登州撫臣孫國楨道臣王廷試差官延臣進府問以敵可滅否臣猶抗慨自許臣在登州一日即出海東去忽報各將之船有飄至黃河營者有八角口者有威海文登等處者甚而飄然至桑島寸枝而官兵半失者是一役也意謂敵來截其進路敵退堵其歸途首尾互擊敵在臣掌中矣乃至環我戰艘溺我戰士豈天心未厭敵故不使臣計得行一至此哉嗟嗟臣雖遇陷危敵猶未知也且臣島兵四散分截臣之兵還復東指敵因此倉惶不敢出瀋陽一步此亦從日前

東上

而言之耳若論其秣馬養兵之志垂涎遠已非一日也况目今糾合西虜達酋四面分逞督造戰車日夜不休度其意蓋未肯即遽然帖服已也冬初復當遠舉臣散失心報國以報陛下知過之思然不虞之戒關寧喜峰等處尤宜喫緊不可斯須懈弛者總之廟議如塵飯塗羹無當于實用仍復築室道傍以致邊將迄無成功坐此弊端耳皇上英明天縱照照瞭瞭正當極盛之朝乃復有如鬼如蜮妄造謠言以淆聖聽而隳各敵邊任事之心誅不待時者也望皇上獨斷乾剛毅然自任不使誰言亂聽則眾將肝腦塗地亦所甘心滅敵特易易事耳

平遠總兵毛 己巳四月初二日 一本夷情事崇禎

二年正月廿五日據寬奠被擄逃回難民沈四漢稟稱在敵大孤山下為思鄉逃回南朝沿邊撞敵不敢日行脫走十晝夜方到鐵山在營聽得敵向狄往西未得遂願今春定要西犯山窩劃鎮恐沿邊一帶地方四王于己差大頭目孤山前往烏龍江外從不朝貢敵火兒動處及受天朝敵義哈刺汗並聰兒侵處俱已許借人馬與他只等孤山回就要上馬西犯又遠哨撥兒參將毛永詩稟報敵臨邊境外揚兵馬吃椰回浙江已有謀犯情形各稟前情到鎮俱此謝職看得敵任狡蓄謀叵測發兵屯我車師實欲長驅西冠而山窩等處尤宜晝夜嚴防前恭沿邊須用時刻提備除一面添兵遠哨相機截殺為此理合塘報

東上

平遠總兵毛 己巳四月初十日 一本敵情事崇禎元年十二月初四日據回鄉何有才係瀋陽衛人稟稱從敵脫走七晝夜逃回在營時聽得劉愛塔境在頭陣投歸皮島敵旦夕不安又要追尋回去又聽得從塔山逃回敵寨遼人王得庫因想父母妻子在敵地割捨不得仍逃回敵寨向敵前說關上窩前米糧又貴一切兵馬事又稟見各爺敵部落在加紫喂養置辦乾糧欲犯南朝等情到鎮該本鎮隨即傳令先鋒參將毛永詩等帶領官兵星夜趕赴鐵山龍川同龍鐵地方將官參遊任世科等前往銜要路口並沿江一帶地方埋伏安置伙食石砲等至十二月初八日敵一枝從雪裡站徑奔鐵山索要劉愛塔兒兄

弟諸人家兵奮勇向前砍殺統帥齊發打死敵俱指  
回營不及剗級退兵北去我慮恐深追不便收兵仍  
回汛地愈加嚴防理合塘報

平遼總兵毛 己巳五月十三日一本三軍命若懸  
絲孤臣勢如壘卵亟懇聖明俯賜乾斷以請糧餉以  
活飢軍事職受俄九年苦情敵勢其顛未告之數矣  
但青職冒餉在朝臣終于未明而職心終于未白焉  
夫職危處東江與敵為隣其歸鄉人民每歲不啻萬  
計各欲奮臂報洩父兄妻子之仇圖復上地田宅之  
思職亦妄形迹于將士之分秉心戮力以答國恩以  
副民望故兵每稱二十餘萬豈職以虛報多數而冒  
糧餉乎以兵數定餉而貪金錢耶不過圖恢復上而

東上

五

疾呼未應倘得餉具充足便可乘機掃穴矣別無他  
腸別無他算此心付之朝廷曾之鬼神對之天地也  
也孰料廟議紛紜今日言職報數之多明日言職無  
厭之求以致先帝惑聽一遣科臣王夢尹詞臣姜曰  
廣詣皇點閱所撥糧餉不敷減報一十餘萬第兵數  
奏之殿陛糧餉終復如故使職東挪西借剗肉醫創  
痴望朝廷有垂鑒之日而三軍得飽腹捷敵矣日望  
一日又以冒餉劾奏且誓在平敵原藉舊居止存四  
壁今佳皮島屯兵安壘與士卒同極冒餉何為冒餉  
何用也况商賈叨叨盈耳軍士嗷嗷待哺凡有血氣  
者靡不傷心當此地面更何忍冒餉也精兵受餒糧  
餉無增及至登萊道臣王廷試奉旨汰兵將各島哨

守兵卒俱不點閱只將皮島官兵丁看就餉定兵而  
自曰二萬八千此亦不揣朝廷恢復之計止狃目前  
乏餉之算爾孰不知敵何等兵馬也何等器械也跳  
梁十餘年盡煅鍊之敵矣以枵腹之卒二萬八千欲  
取勝強敵數十萬之眾使天下人聞之疇不笑職之  
不能料敵如此憂國之誤用微臣知此如職委以二  
萬八千可勝強敵亦不必延之今日懇之九年也職  
按兵誌知彼知己百戰不殆微倖勝則職之不敢為  
職之不敢詐也但職一介末弁孤處天涯曲直生死  
惟命是從敢曉曉取增哉究竟其根實之臣之誤職  
而非職之誤國也昨催登萊海防道臣錢糧隨執手  
書云今歲錢糧即與布政司俱不肯發要將往年多

東上

五

領者扣算然職以十餘萬之眾而受四十萬之餉無  
本無食額告九重今反以二萬八千為額復將上年  
領過錢糧扣作今年糧餉而呼庚呼癸之眾速絕氣  
于今日也即據道臣王廷試覆稱汰去老弱止存精  
兵二萬八千宜于崇禎元年六月為始而元年六月  
之前經汰去者未必盡老弱也即老弱者皆不費衣  
食之上偶乎語曰千里饋糧士有飢色况數千里之  
外而每發帑幾萬兩米幾百石是猶久旱之地偶降  
霖霖奚能添澆土壤乎是以白骨盈溝餓殍載道欲  
將往歲之餉扣作今年之餉獨不念百孔千瘡之苦  
烏得粟陳晉朽于今日哉還將食過之軍枵腹取之  
乎可令今日之軍封口坐斃乎不知計部之欲殺職



不知計部之欲陷十萬之生靈此職之未解也再議  
每兵每月本折共一兩三錢較之關門雖若不足例  
之各邊似為有餘職處東江原為關門窄尾關門接  
壤神京每月一兩四錢米一斛尚不敷用况東江懸  
海風濤巨測百物騰貴而反議每兵銀七錢米一斛  
使各兵肯安心東江耶夫募多棄少人情之常關門  
東江兵屬一體一兵兩價豈鼓舞軍士之妙算也此  
職之又未解也語曰成大事者不惜小費不一勞者  
不永逸今職九年陸續費過糧餉亦百萬餘矣如准  
職請于八年之前而概發百萬金錢職不敢誇口平  
敵庶幾挫銳奪氣于十分之五矣東敵畏忌西虜又  
奚復如是之跳梁也諸臣獨計除職不計收取江山

東上

去

而快私忿操戈于同室此職之所益未解也職屢疏  
直懇非不知得罪朝臣以連職命但職心只以封疆  
為重不得不顧天顏懇也今職席羹待罪宜無言矣  
昨執王廷試手書知糧無應豈捨十餘萬生靈因職  
一人而並斃之又安能嘿嘿為哉職自去年十月了  
凍至今七越月矣草根樹皮淘洗淨盡荒山赤土厄  
羸流離種種顛連福臆無訴以致降人生變強辛喧  
嘩敢侵陵各島告變無論職瑣尾庸流即智等良平  
勇如育育亦無如之何矣于天啟四年起至六年止  
合我支運備等項糧餉一十六萬七千七百餘兩及  
該我尖耗朶朶米七萬五千餘石咨文在部差官候  
領至今滯京兩年分文無發至于浙直營官兵于天

啟六年八月起至今三年餘矣其文計部請之數四  
差官徐潮音候死都門復差員役懇發又經半載尚  
無影響職懇一言于皇上哉而言之今日職處萬分  
危急之日不得不言也伏乞陛下獨賜乾斷早中微  
職以快眾意以救生靈則軍民重生職死得所矣曷  
勝惶悚激切待命之至

平邊總兵毛文龍閏四月十七日一本揭為小耶首  
道已從登州來往乞勿更易以免顛覆之忠事崇禎  
二年四月十五日准朝鮮國王咨前事據議政府狀  
啟切查先于本年三月內補送冬至使一行駕船一  
隻差官帶領前往登州以便迎回各備咨督撫發送  
去後今見督撫咨覆即該本鎮近聞邸報更易首道

東上

去

登青萊不許入貢已經奉旨遵行而補送船隻不必  
前往等因臣等切詳本國服事本朝恪修侯度二百  
年來貢使往來冠蓋相屬而關梁無阻道里坦易一  
自敵作梗陸路斷絕本國將泛海道貢卸泊處所及  
經由駒遞並命指揮等情具奏朝廷即蒙該部新覆  
定奪許開登州之路已絕掛號往來而海路艱遠冬  
至聖節等使臣未免兼行一起事者禮尚有虧以典  
常懷統協若負罪戾惟幸登萊船路雖遠經行去處  
島嶼連絡如遇風颶停泊有所候使行使可以利涉  
朝覲職肯得免後時之誅今若小邦首船令登州之  
便路則鐵山嘴等處海濤倍險恐礁暗嶼在在為患  
倘人情不諳水勢動遭撞碎每船往來十不全一項

辛酉年小邦使臣相繼淹沒皆由于此父母之于  
東西南北惟命是從小邦之事皇朝猶子事又險夷  
生死無所趨避然而杜已通之路使行必危之地區  
區享上之誠不能自達而顛沛于中道此小邦所大  
懼亦非聖朝柔遠字小一視同仁之意該邦咨會未  
到本國不宜輕先煩瀆但念前後節使小邦非久當  
發倘不早使事情恐臨時阻滯致誤大事合飛將前  
往情節咨督撫轉聞朝廷庶得直路仍舊藩邦永  
賴允合事宜等因具啟據此當職為照小邦雖僻在  
外恭修藩職區區享上之誠不後于內服不幸陸路  
斷絕水路艱險則壞修聘未免參差尤以苟簡為慎  
至登州直路則已經天朝題請定奪許令掛號軍門

東上

七

往來先禁已近十年海路便順得免沾覆今若改道  
從錢嘴之外則淹沒之患仍前煩乞貴鎮曲諒小邦  
情困備細轉聞俾令小邦首船許仍登州舊路不勝  
至幸合行咨會等因到職准此除將該國原咨封送  
天朝查驗外卑職今將前由理合具揭

平遼總兵毛文龍閏四月十八日一本為敵情事本  
年二月十一日據守山島游擊劉印科稟解據遠哨  
撥夜帶回來鄉胡四等口稱係敵孤山名下跟役在  
營內聽得敵說屢次有書差人送與毛都督請和雖  
有書回我俱是哄我及差人送禮講起又不依反將  
我人解送赴京又將我心腹劉愛塔等兄弟七人收  
回島去愛塔殺死我人二千餘名又帶我部落四百

名馬四百餘匹盔甲器械俱全拐去這樣哄我實不  
甘心又屢次被他襲殺吃了大虧我們今好乘他無  
糧正好起兵捉拿他去好也出我們被多次哄的氣  
又如拿運愛塔一夥人等語又至本月十四日據防  
鐵山都司任世科稱據細作馬政稟稱敵知皮島無  
糧乘機發糧來攻各島並要講和的四箇活口並劉  
愛塔帶來諸人等情各稟到職據此准照職之設鎮  
東江也實扼敵之咽喉而不得大肆其很禽之願是  
以忘戰無奈屢次遣人特書請和于職職亦遣書過  
彼一面堅修戰備亟圖恢復奈島中舟禁人情拘拘  
內外交攻雖是沒法安插其甯人人動搖又敵探知  
禁海無糧消息乘機來犯扎營要口似此內外交亂

東上

九

何能措手職惟秉一腔熱血盡我報國之忠于本日  
又據鐵山遠哨撥夜帶來逃難來鄉王國清口稱敵  
發兵二枝西往大小凌河去訖萬分要嚴防等情事  
關緊急軍情除一面加謹提備外為此理合塘報  
督師表 崇禎二年閏四月一本歷海道以觀進取

會島帥以受方畧事職切惟五年平敵之事早夜圖  
難既殫獨慮又集眾謀規勢于四鎮扼要東藩按國  
初馬雲葉旺之故蹟則恢復有必乘之勢必由之路  
但百聞不如一見久欲親往詳閱適東藩總兵毛文  
龍稟來于北汎口候職面受方畧夫文龍懸軍海外  
不經督撫節制者八年文龍自負男子豈不欲滅此  
朝食或以應手無人遠巡海上先是職差立功官徐

連送砲器于文龍並言所以某海改首道餉道之故因與文龍約晤于三岔旅順之間欲相與揆度地形規畫進止而徐連未到之先文龍未知職意過相猜疑遂出兵變難弭之疏至接職公移與字乃始悔之于是會諸將領將領咸勸文龍西來面職以終功名文龍乃遣都司熊文祥同徐連來問行期于職職惟督屬相臨之體則文龍宜就職而高進止某餉道之改外議多以迂阻為疑但從敵覓會卒哨于東口往返甚速即今徐連往返止二十餘日如是其坦且速也職欲借此親涉北汛一以觀復遼之形勢一以驗海道之難易且既與文龍約不可爽也職得晤文龍披數載之肝膈出生平之意見相與極論細陳以成

東上

五

東西合進之局計北汛口離寧遠海面不過四五百里風使則一帆可到往返不過十日職一行而關島之血脉全通進取之規模已定五年全局指顧瞭然職前疏所云遼上未復遼海全通端在于此至于軍中事宜分屬鎮通料理勅書印劍俱留本衙門以中軍何可剛看守戰之事職已區畫停營萬無虞也惟乞皇上亟催東江司餉郎中宋獻速來到任並勅戶部將應給東江月餉不拘何項先湊發十萬與宋獻帶來通給東江俾東江將卒知皇上惟新之政銳意恢復膏澤沛如兼知餉速道夷從此按月給發人人實惠人人感奮激勳向前東西並力則蕩平之功刻期可奏此則皇上之威靈而微臣之至願無非為皇

上封疆之計也

督師袁 己巳年閏四月二十日一本恭報出海事奏本月十二日出海往北汛口面會總兵毛文龍持具奏知奉聖旨知道了回鎮具奏該部知道

兵部 己巳年閏四月二十二日一本緊急敵情事職方司案呈奉本部准平遼總兵毛文龍塘報前事到部選司案呈到部為照東島降人乘夜脫逃原欲引敵入犯所幸官兵進勦堵殺是杜其狂逞之謀矣惟是東江探聽報欲寇關寧應行關門內外多方防備又為劉愛塔初到東江即建斬功其忠順亦可見矣既經塘報前來理合具本題知

東上

五

第一易簡足餉之法以斬葛藤以運經制事臣受命攝篆日夕飲冰仰見聖主之焦勞旁聞九邊之匱乏用是食不下咽卧不交睫而輟轉思維終無善算也頃計臣因煤眉告急欲集九卿料道會議各陳所見夫議者議其所以求足之法也將求之田畝之外而補苴撮合之政既已纖細俱收求之田畝之中而東西南北之民亦既皮肉俱盡止有縮兵就可絕流澄源而當事諸臣碍于情面不肯下手就徵令邊臣自行稽核奏報噫此爛熟故套誰不知之邊臣行之將領將領行之偏裨取一紙回文使足完事奈何以病久求艾之良方蹈虎口分羊之愚計乎蓋聽裁兵于握兵者不肖者有十不欲即賢者亦有十不欲臣今



請得而悉數之兵多則餉多便于侵匿一也兵多則人多利其逃亡二也兵多則數多難于查點三也兵多則官多易售情面四也兵多則將多具米筐篚五也兵多則番多便于買問六也兵多則事多易生端設七也兵多則馬多易藏倒死八也兵多則匠多易充造作九也兵多則力多易挾法紀十也一曰恐為敵所輕二曰何以為萬全之計三曰不便更張四曰易于翻覆五曰盜使充然有餘六曰慮散兵為盜七曰全盛之世豈便虧此八曰不便爭執九曰缺餉亦屬故事十曰我不可為首使各鎮歸怨此賢者之不欲汰者也合賢不肖皆不欲汰而我使之汰彼齊聲言不可汰而我遂不汰則餉終何得足乎臣謂營之

東上

家然有百金之家或一二子或四五子婚喪服食咸取給焉而不以為不足者以無非之願求之于百千之定而不敢妄求耳若曰怨爾需吾爾給則冥然索取不足之形立見矣國事猶然考先朝立為經制經者一定而不可易之謂也自數十年來威令不行而儒將以添設為能事大言恐嚇而疆吏以增餉為令名廟堂之上畧不主持一二從之當其初創即曰奇勲及至議裁便稱怪事重已極而不返遂至今日若及今遇釘不斬必至築舍無成臣請司農暨查一年所費之計數照本鎮近年所請之數而遵減之減至于入數相符者為定額令于各鎮曰已後請不與不請亦與汰亦止此不汰亦止此乘日真堯真舜在上

千古一時執定意見斷然行之臣見有八利焉邊臣見養一贏兵則費一空餉利在不敵不挑選少一壯士則多一隱憂利在不敵不足額去冗就約以憂為眾利在不敵不團練金錢有限觀餽無窮利在不敵不權衡餉外無兵雖兵不給利在不敵不澄汰已後不得藉口軍飢任難驅使利在不敵不擔當國家二百餘年前豈無強敵豈無盜賊即此原足幹辦利在不敵萌脫却而此後講求屯政修三年九年之說不必見彈求鴉矣索急利于過程敗良謀于待釁而所利更善矣或者曰乃一汰兵而失事誰任其咎臣謂此正歷來通病不可不亟點破者兵之強弱在勇怯不在多寡况前人設立業已幾番增添豈至今猶然

東上

不足遼東之敗眾此尤近事之明驗也兵敗于谷不敗于寡廣靈之勝勝于堅不勝于眾此尤近事之明驗也臣故願皇上之斷以行之也至于皖然可截薊密永津之新兵恒山磁州之兵于揚州鎮江德州等處因敵添設之兵已經詳言之矣但行之須有方耳計臣謂不欲懸定一汰局臣謂非懸一汰局此法斷格不行日者王文龍牽不成牽制不成制之師謂非十五萬不可自道臣執定二萬八千而所裁有奇至今不張喙一鎮如此他鎮可知當日行文王文龍令其自汰肯少一人乎此前事之驗也伏乞垂鑒施行督師袁崇禎二年六月十六日一本恭報島帥等事奉聖旨王文龍懸踞海上糜餉冒功朝命頻違節

制不受通復提兵進登索綯要挾跋扈巨測且通敵  
有跡犄角無資掣肘兼碍御能周慮猝面聲罪正法  
事關封疆安危閭外原不中制不必引罪一切處置  
事宜遵照勅諭仍聽相機行

直隸巡按方大任己巳年七月十四日本罪帥伏  
誅于俄頃敵人可期于蕩平乞勅乘機斟酌進取亟  
復全遼事自毛文龍之縱欽山而獲佟養真也人皆  
壯之進出入于東江報功解級而曾無尺寸之板復  
也人皆嘆之及潛形于皮島崇煥索糧疾呼慢罵也  
人又皆駭之職奉命視師至榆關特閱邸報見文龍  
海運一疏凌厲咆哮其心目中豈直無崇煥哉及抵  
靈遠職與崇煥抵掌而談見崇煥洞究名理淹貫經

東上

史直有憂傑之概因不敵與文龍事職謂之尤悍戾  
如此不宜輕往就之如必欲行使其欲然相從則已  
不然反覺損傷威重必有以算可以致其命然後無  
患崇煥曰凡人不可先存一機心惟至誠可行但不  
見海島之事乎職咨以為款與談累日最後及始告  
職曰吾崇煥有言大丈夫不可有殺人心不可無殺  
人手是行己吾必去善其事汝其勿厄我爾時危意  
微露職不欲洩之而亦不敢信之夫崇煥輕身海上  
風濤之險阻可虞也將士無主瓌處之降敵可慮也  
文龍虛聲來負險不至則進退維谷也或來而擁兵  
自雄不相上下則情形巨測也即單騎詣營數罪不  
服則五步之內不得恃其衆也職故抱杞人之憂疏

請止其勿往令文龍來會蓋以崇煥所負者重不宜  
試不測之淵耳職自進關以來憂心如焚及接崇煥  
誅文龍一揭始解頤而怡也觀其杯酒而斬入軍跋  
扈之臣片言而拊數萬眈眈之卒難古名將何以加  
爾始信崇煥果為豪傑矣是役而後敵之胆目破是  
役而後崇煥之力得專職謂以誅文龍之精神役以  
誅敵以收東江方畧役以摧之直呼吸耳豈踳五年  
而後竣哉但職于此猶有過慮焉蓋文龍未死無牽  
制之實而有牽制之名今恐我未前而敵先來人將  
議其後矣文龍未死無死敵之功而有制敵之任今  
恐我前呼而敵後應人又將議其後矣袁崇煥之益  
宜竭力也如曰五年不結即以誅文龍之劍自誅豈

東上

忍言哉伏乞皇上益勵崇煥毋以擅誅文龍而引嫌  
誅一文龍而崇煥之局更宜早結毋以已誅文龍而  
自滿誅一文龍而崇煥之任更益重大蓋崇煥每言  
平敵必制器與買馬誠是也然器久而不用則鈍馬  
久而不乘則斃有一番鈍斃必有一番番製買費何時  
而已謂宜刻期試用無使虛延萬一急還不得製之  
初謂宜不惜厚價必合精良耐久製買以後謂宜責  
備所司加意收藏喂養製買之人即付所司之人倘  
或鈍斃責之自出已資賒補毋任其鈍斃買而又買  
製而又製以為侵漁耗末之地則善矣若夫扼要之  
路與進兵之計督師自有籌算焉  
南京廣東道劉養粹己巳年八月初六日本海外

之宿瘤已消息中之區畫宜定謹陳一得以惜民命以靖邊疆事臣聞有高世之識者不可眩以形有開物之智者不可驚以虛故籌國必先審勢治軍貴于扼要能審其事勢扼其要而不靖可滅邊圉可固也臣敢為今日獻臣聞邸報見督師袁崇煥憤毛文龍之欺君罔上恣意橫行大萌逆跡漸不可制急請上方劍數其罪而斬之未嘗不壯其氣而嘉其謀矣然文龍斬後部眾尚多必有復立主帥之議者臣請得而言之夫海外一帥原以牽制為名抑知所以牽制者或地勢相近旦夕可及如棋家之劫然及其所必殺彼不得不應此為扼要也又皮島去敵寨水陸迂迴尚二三十里風馬牛不及聲息不通即通矣將潛

東上

奏

兵以襲之乎抑鳴鼓以攻之乎潛師恐如秦兵之敗于穀也鳴攻恐如李陵之困于寡也兩者皆訛而徒恃牽制之名以恐喝強敵必為所笑臣不暇遠引即如向者敵攻廣寧再攻宣遠舉國深入累旬連月毫不慮文龍之議其後亦足明島帥之無能為矣夫不料島兵之無如敵何而欲步竭二東之民力以餽之不大惑乎臣謂去島兵不立帥有三利置島兵更立帥有五害何謂五害往者島兵動以二十萬為報遂于折色外仍運本色四五十萬餘買皆取足于青登萊三府而以定價為主歲稍儉則官賠于上民賠于下其害一官船不足強封民船民船不耐海濤一遇颶風漂沒粉碎人口俱喪于龍蛇穴中是以有用之

財力填不可知之巨浪其害二布綿衫蝦米酒之商拋生渡海以圖利及其歸也島兵用船三五隻橫截要路殺戮無遺盡劫其銀而以海賊報其害三海外有兵船客船往來清駕敵常用遼人或僧道以探內地虛實其害四大帥咆哮士卒橫悍彼自視若驕敵人亦以驕敵視之法不能制徒事羈縻于敵無尺寸之效于國有返戈之形其害五詩云四方有美我獨居憂民莫不逸我獨不敢休此非詩之言東人之言也往時以海運故登萊免派遼餉及海運廢遼餉復派其後復運遼餉不復議免矣召買不時水陸轉運於天下獨苦今一裁而息轉運之勞罷召買之害令東人涓涓息肩並力以餉關隘其利一荀子曰齊之

東上

奏

切吉不可以敵魏之武卒不可以敵秦之銳士不可以當桓文之節制洵乎兵貴受制也島兵踰押忠離利一朝廷不受督府之制即人人責育驚馬勵力何益之有今而後令士卒編入行伍使知守法帖服不敢跳梁其利二國家之患莫大乎養兵養兵之患莫大乎冗員此宋臣蘇軾稱宋兵無漢唐之制而有漢唐之弊也今乘天誅之威于島兵大加澄汰稽核使省成數先弱不得虛冒冥各占籍省官家金錢無其利三夫此一旅也假令足繫單于之頸掣強敵之肘即利害相半猶不難勉強留之今無損于敵有害于我何愛牽制之虛名受糜費之實禍哉故智者不再計而決謀者不當試而圖審緩急之勢扼肯綮之



要而已島以為歲之使我而戒于隨成功期于可就十年而圖之一朝而棄之毋乃非善因于是不然苟有利于國即披荆棘剪草萊不難于創始而免利于國故舉重執不必于守哉蓋從古未有以島兵勝大者惟唐外史載張仲堅以海賊十萬逐其立者自立斯固又文之深意也而今已算計惟有料島兵多寡半配關隘半配登鎮而以大小海船並執海道之兵盡付于登使其時時出沒于旅順皮島之間以探消息亦庶乎其可也臣又伏念皇上文武神聖警靈赫濯而出甫舜夾輔中外蠢之蟲敵已見聞風納款無論于輸誠與否而當此島帥一戡勢發震驚天威之嚴肅而輯服于王猷之允塞矣則平刑修政極意

東上

文

上裁察施行

江西道毛九華已巳年八月初十日一本逆帥已誅國是宜定謹再追論以昭成案事蓋聞閩外之權將軍制之苟利社稷專之可也督師袁崇煥欲復遼上欲用東江先誅跋扈不軌之毛文龍此一舉也斬蛟龍宮探子虎穴蒙皇上諭之切諸臣論之詳矣臣復何言然臣登萊人也登與島相對一岸風帆可達使文龍而得逞其逆也登萊首被其害今督師幸而圖之早也登萊且首受其福臣又安能默然而處此臣

以為論此案者謂此舉止為封疆除一蠢賊其關猶小謂此舉經為朝廷除一叛逆其關乃大而文龍之逆形安在若云其道遙海上虛糜金錢使水陸疲于轉運公私困之罄竭是宜按以侵盜庫藏而祿山范陽之積也又云招納亡命陰養死士止論上而下來每事後始鳩報是宜按以逗遛之律而以為未也此似尉佗南越自王之意而焚符震即自大謀也大謂其殺難民報首功骨可築為京觀血凡染于方壺宜按以殺降之律臣以為未也似白起長平之慘毒楚項新安之故智也是數者皆可以誅文龍然文龍之罪案尚不在焉罪案之大確者無如未有詔命不奉調遣憑空掛帆鹿眾二次指登此何為也夫擅離汎

東上

文

地法令所禁稱兵內向臣子大戡文龍何人敢公犯之其初至登也曰颶風之飄沒造風恬浪靜日湧潮空可以歸兵而賊舟海峽潛指登城夫復何心無乃指山川觀形勢將欲勒石太山飲馬淮泗乎此其心路人已知之其再至登州則尤可異焉袖贖相望精甲耀目非王濬之平江南戈船下瀨豈呂蒙之襲荊州白衣搖櫓一時各州縣城門日閉人心皇皇道臣王廷試婉言遜謝令兵卒登岸殺奪之尋端逸隙不曰受我參劾若干則曰受我商人領狀若干不發一文復邀至廟島屬目相視五部內不知所置幸而小船適歸直至臣擲撫按急為設處始飽欲而去猶佛其意即不謂文龍此時遂破歷下以聞是攻祝阿以

熊廷弼傳明史

天啟元年八月廷弼因薦監軍副使梁之垣生長海濱習朝鮮事可充命使帝立從之且命如行人奉使故事賜一品服以寵其行之垣乃列上重事催定職掌八事帝亦報可之垣方與所司議兵餉而化貞所遣都司毛文龍已襲取鎮江奏捷舉朝大喜亟命登萊天津發水師二萬應文龍化貞督廣靈兵四萬進據河上合蒙古軍乘機進取而廷弼居中節制命既下經撫各鎮互觀望兵不果進頃之化貞請陳東西情形言敵棄遼陽不守河東失陷將士日夜望官軍

東下

至即執敵將以降而西部虎墩兔炒花成願助兵敵兵守海州不過二千河上止遼卒三千若潛師夜襲勢在必克敵南防者聞而北歸我據險以擊其惰可盡也兵部尚書張鶴鳴以為然奏言時不可失御史徐卿伯復趣之請令廷弼進駐廣靈前遼總兵王象乾移鎮山海會化貞復馳奏敵因官軍收復鎮江遂驅掠西衛屯民屯民據鐵山死守傷敵三四千人敵圍之益急急且赴救于是兵部愈促進帥化貞即以是月渡河廷弼不得已出關次右屯而馳奏海州取易守難不宜輕舉化貞卒無功而還化貞為人駿而慎素不習兵輕視大敵好謾語文武將吏進諫悉不入與廷弼尤抵牾妄意降敵者李永芳為內應信西

發跡又放兵四掠浦聚芒碭馳驟渴墨圮顧登萊一帶首遭其屠戮矣追論及此文龍之心可誅而肉足食乎督師不折一兵不亡一鐵輕裘緩帶談笑而誅之而餘孽亡命走京師陰翳造不根之言貽匿名之帖此輩亦何能為恐一等神奸陰主其間乃設機關思以動搖國是倒翻邊計雖皇上神明天縱而曾參之行三至樂羊之書一篋即崇煥且析心自驚又安能展四體為國家恢此遼上乎是在皇上之毅然獨持之也臣更有請焉夫文龍所招亡命亮棍無如加銜參將龔正祥原係楚孝廉蒼頭耳主殺背逃投入文龍帳下掌書險惡反側冒濫今職非者誥命之頒公然以有父母叨承恩榮其父母固亦孝廉長鬚也

東上

手

鳳輪襲于人僕龍音汚于婢子不尤令人大情不平哉臣故因論逆帥罪孽而並及之伏乞勅下五城兵馬散有東江逃將潛住京師偽造訛言者立拿正法將龔正祥嚴行督師遞解回籍削去偽職追奪誥命以為廝養冒濫之戒庶法紀肅而國是定矣

督師表 示國家養兵糧餉不缺爭奈毛文龍養寇自豐尅扣兵糧不為各兵餉食計已經累示謝汝綏人糧餉流水發來矣持諭爾知

督師表 示總兵毛文龍欺君說詐養寇自豐尅扣兵餉逗遛觀望草菅民命跋扈不臣種種不法已經累示正法所有島中各處官兵各安舊業勿有更移如訛言生事者重究須示

東上

部言謂虎墩兔助兵四十萬遂欲以不戰取全勝一  
切士馬甲仗糧營壘俱置不問務為大言國中朝  
尚書鶴鳴深信之所請無不允以故廷弼不得行其  
志廣益有兵十四萬而建弼關上無一卒徒擁經畧  
虛號而已延綏入衛兵不堪用廷弼請罪其帥杜文  
煥鶴鳴議寬之廷弼請用卜年鶴鳴上駁議廷弼奏  
遣之垣鶴鳴故稽其餉兩人遂相怨事事齟齬而廷  
弼亦褊淺剛愎有觸必發盛氣相加朝士多厭惡之  
毛文龍鎮江之捷化貞自謂發蹤奇功廷弼言三方  
兵力未集文龍發之太早致敵恨遼人屠戮四衛軍  
民殆盡灰東山之心寒朝鮮之胆奪河西之氣亂三  
方並進之謀誤屬國聯絡之算日為奇功乃奇禍耳  
貽書京師力詆化貞朝士方以鎮江為奇捷聞其言  
亦多不服

東下

表崇煥傳 明史

崇禎二年閏四月叙春秋兩防功加太子太保賜蟒  
衣銀帶磨錦衣千戶崇煥始受事即欲誅毛文龍文  
龍者仁和人以都司援朝鮮迨遼東遼東失自海  
道逃回乘虛襲殺

大清鎮江守將報巡撫王化貞而不及經畧熊廷弼  
兩人隙始開用事者方王化貞遂授文龍總兵累加  
至左都督掛將軍印賜尚方劍設軍鎮皮島如內地  
皮島亦謂之東江在登萊大海中綿亘八十里不生  
草木遠南岸近北岸北岸海面八十里即抵

大清界其東北海則朝鮮也島上兵本河東民自天  
啟元年河東失民多逃島中文龍籠絡其民為兵分  
布哨船聯接登州以為犄角計中朝是之島事由此  
起四年五月文龍遣將沿鴨綠江越長白山侵  
大清國東偏被守將擊敗眾盡殲八月遣兵從義州  
城西渡江入島中屯田

大清守將覺潛師襲擊斬五百餘級島中糧悉被焚  
五年六月遣兵襲耀州之官屯寨敗歸六年五月遣  
兵襲鞍山驛喪其卒千餘越數日又遣兵襲嚴爾河  
攻城南為

大清守將所却七年正月

大清兵征朝鮮並規勸文龍三月

東下

大清兵克義州分兵夜搗文龍於鐵山文龍敗遁歸  
島中時

大清忽文龍躡後致討朝鮮以其助文龍為兵端  
顧文龍所居東江形勢雖足牽制其人本無大畧往  
報敗劔而歲糜餉無算且推務廣招商賈販易禁物  
名濟朝鮮實闌出塞無事則鬻參販布為業有事亦  
罕得其用工料給事中潘士聞劾文龍糜餉殺降尚  
寶卿董茂忠請撤文龍治兵關寧兵部議不可而崇  
煥心弗善也嘗疏請遣部臣理餉文龍怒文臣監制  
抗疏駁之崇煥不悅及文龍來謁接以肴禮文龍又  
不讓崇煥謀益決至是遂以閱兵為名泛海抵雙島  
文龍來會崇煥相與燕飲每至夜分文龍不覺也崇



煥議更營制設監司文龍佛然崇煥以歸鄉動之文龍曰向有此意但惟我知東事東事畢朝鮮衰弱可襲而有也崇煥益不悅以六月五日邀文龍觀將士射先設帳山上令參將謝尚政等伏甲士帳外文龍至其部卒不得入崇煥曰予詰朝行公當海外重寄受予一拜交拜畢登山文龍從官多毛姓文龍曰此皆予孫崇煥笑因曰爾等積勞海外月米止一斛言之痛心亦受予一拜為國家盡力衆皆頓首謝崇煥因詰文龍違令數事文龍抗辨崇煥厲色叱之命去冠帶繫縛文龍猶強崇煥曰爾有十二斬罪知之予祖制大將在外必命文臣監制爾專制一方軍馬錢糧不受核一當斬人臣之罪莫大欺君爾奏報書

東下

欺罔殺降人難民冒功二當斬人臣無將將則必誅爾奏有牧馬登州取南京如反掌語大逆不道三當斬每歲餉糧數十萬不以給兵月止散米三斗有半侵盜軍糧四當斬擅開馬市于皮島私通外番五當斬部將數千人悉冒己姓副將以下濫給札付千走卒與夫盡服金緋六當斬自遠還剽掠商船自為盜賊七當斬強取民間子女不知紀極部下效尤人不安室八當斬驅難民達瀋人參不從則餓死島上白骨如芥九當斬策金京師拜魏宗賢為父朝堂鬼臉像于島中十當斬鐵山之敗喪軍無算掩敗為功十一當斬間鎮八年不能復寸土觀望養敵十二當斬數畢文龍喪魂魄不能言但叩頭乞免崇煥召諭其

部將曰文龍罪狀當斬否皆惶怖唯中有稱文龍數年勞苦者崇煥叱之曰文龍一布衣耳官極品滿門封廕足耐勞何恃逆如是乃頓首請旨曰臣今誅文龍以肅軍諸將中有若文龍者悉誅臣不能成功皇上亦以誅文龍者誅臣遂取尚方劍斬之帳前乃出諭其將士曰誅止文龍餘無罪當是時文龍麾下健校悍卒數萬憚崇煥威無一敢動者於是命館殿文龍明日具牲醴拜奠曰昨斬爾朝廷大法今祭爾僚友私情為下淚乃分其卒二萬八千為四協以文龍子承祿副將陳繼威參將徐敷奏游擊劉興祚主之收文龍敕印尚方劍令繼威代掌撫軍士檄撫諸島盡除文龍虐政還鎮以其狀上聞末言文龍大將

東下

非臣得擅誅謹席萊待罪時崇禎二年五月也帝驟聞意殊駭念既死且方倚崇煥乃優旨褒答俄傳諭暴文龍罪以安崇煥心其爪牙伏京師者令所司捕崇煥上言文龍一匹夫不法至此以海外易為亂也其衆合老稚四萬七千妄稱十萬且民多兵不能二萬妄設將領千今不宜更置帥即以繼威攝之于計便帝報可崇煥雖誅文龍慮其部下為變增餉銀至十八萬然島弁吏主帥心漸偪益不可用其後至有叛去者崇煥言東江一鎮臺制所必資今定兩協馬軍十營步軍五歲餉銀四十二萬米十三萬六千帝頗以兵減餉增為疑以崇煥故特如其請崇煥在遼與率教大壽可綱定兵制漸及登萊天津及定東江

兵制合四鎮兵十五萬三千有奇馬八萬一千有奇歲費度支四百八十餘萬減舊一百二十餘萬帝嘉獎之文龍既死甫踰三月我

大清兵數十萬分道入龍井關大安口崇煥聞即督大壽可綱等入衛以十一月十日抵薊州所歷撫寧永平遷安豐潤玉田諸城皆留兵守帝聞其甚喜溫旨褒勉發帑金犒將士令盡統諸道援軍俄聞率救戰殲遵化三屯營皆破巡撫王元雅總兵朱國彥自盡

大清兵越薊州而西崇煥懼急引兵入護京師營廣渠門外帝立召見深加慰勞咨以戰守策賜御饌及貂裘崇煥以士馬疲敝請入休城中不許出與

東下

六

大軍鏖戰互有殺傷時所入隘口乃薊遼總兵劉策所轄而崇煥甫聞變即千里赴救自謂有功無罪然都人驟遭兵怨謗紛起謂崇煥縱敵擁兵朝士因前通和議誣其引敵脅和將為城下之盟帝頗聞之不能無惑會我

大清設問謂崇煥密有成約令所獲宦官知之因縱去其人奔告于帝帝信之不疑十二月朔再召對遂縛下詔獄大壽在旁戰栗失措出即擁兵叛歸大壽嘗有罪孫承宗欲殺之愛其才密令崇煥赦解大壽以故德崇煥懼並誅遂叛帝取崇煥獄中手書往召大壽乃歸命方崇煥在朝嘗與大學士錢龍錫語微及欲殺毛文龍狀及崇煥欲成和議龍錫嘗移書止

之龍錫故主定逆案魏忠賢遺黨王永光高捷袁宏勳史塗輩謀興大獄為逆黨報讐見崇煥下吏遂以擅主和議專戮大帥二事為兩人罪投首流力攻塗宏勳繼之必欲並誅龍錫法司坐崇煥謀叛龍錫亦論死三年八月遂磔崇煥于市兄弟妻子流三千里籍其家崇煥無子家亦無餘骨天下克之崇煥既縛大壽潰而去武經畧滿桂以趣戰急與

大清兵戰竟死去縛崇煥時甫半月初崇煥妄殺之龍至是帝誤殺崇煥自崇煥死邊事益無人明亡微決矣

錢龍錫傳明史

東下

七

兩人大根帝之定逆案也議多出龍錫奸黨尤惡之及袁崇煥殺毛文龍報疏云輔臣龍錫為此一事低徊過臣萬尋上善後疏言閣臣樞臣往復商榷臣以是得奉行無失是時帝方顧崇煥厚不為忤也及是年十二月

大清兵薄都城帝怒崇煥戰不力執下獄而捷塗已為永光引用捷遂上章指通款殺將為龍錫罪言崇違第通款遠在數年前其斬將剪惡近在數月內今敵兵豈無故而致陛下細審前後情形崇煥罪案自定龍錫發蹤指示臣不勝痛心當執縛崇煥時祖大壽口不稱冤兩日後忽起異心殆由龍錫崇煥所挑激崇煥殺文龍龍錫密語手書不一而足即崇煥疏

中低徊私商語可見外示專制內曾至尊因以漸成  
欵局兩人陰謀詭計日中尚知有天子耶又聞崇煥  
與罪樞王洽書言廟堂之上主欵有人文龍倘能協  
心一意自當無猜嫌不知崇煥所欲協者何心一者  
何意崇煥効提刀之力龍錫發推刀之謀宜並罪疏  
入帝以龍錫忠慎戒無過求龍錫奏辨言崇煥陛見  
時臣見其貌寢退謂同官此人恐不勝任及崇煥以  
五年復違自詭因往詢方畧崇煥云恢復當自東江  
始文龍可用則用之不可用則處之易易耳語出崇  
煥口不過一時對答之詞及崇煥突誅文龍疏有臣  
低徊一語臣念文龍功罪朝端共知因置不理奈何  
以崇煥誇誦之詞坐臣明謀罪因辨批激大憲之誣

東下

請賜罷黜帝慰諭之龍錫即起視事復再疏攻詞益  
危切帝意頗動龍錫再辨引疾帝即致歸時兵事旁  
午未暇竟崇煥獄至三年八月遂復上疏言龍錫主  
張崇煥斬帥致兵倡為欵議以信五年成功之說責  
國欺君秦檜莫過出都以崇煥所昇重賄數萬轉寄  
姻家巧為營幹致國法不伸帝怒劾刑官五日內具  
獄于是錦衣劉儵上崇煥獄詞言斬帥一事龍錫與  
洽頻以書問之而崇煥守斷殺之者也主欵一事則  
崇煥類以書問之而龍錫與洽未嘗許也帝乃召廷  
臣于平臺宣崇煥重辟青龍錫私結邊臣蒙隱不舉  
令廷臣議罪是日建臣大議于中府謂斬帥雖龍錫  
啟端而兩書有處置慎重語意不在擅殺殺文龍自

崇煥過舉至講欵倡自崇煥龍錫始答以酌量體答  
以天子神武不宜講欵然軍國大事私商度行止不  
抗疏發奸何所逃罪帝遂遣使逮之十二月逮上下  
獄復疏辨悉封上崇煥原書及所答書帝不從令侯  
邵議時羣小麗名逆案者方日為翻案計以永光為  
主而使莖宏勳道濬佐之周延儒以會推內閣不與  
怨龍錫仰已溫體仁亦方與東林為難遂相聚合謀  
借崇煥以及龍錫因龍錫以及諸異己者乃指崇煥  
為首逆龍錫等為逆黨更立一逆案與前案偶謀既  
定發發自兵部而尚書梁廷棟初自外條入許許之  
後憚帝英明不敢任而止乃止議龍錫大辟決不待  
時且用夏言故事設廠西市以待帝以龍錫無逆謀

東下

令長繫右中允黃道周上言曰舊史稱臺省諸臣自  
劉瑾權折後不敢言者十四年然大禮議起抗疏廷  
爭不避鼎鑊未有大小收聲容默如今日者也舊輔  
龍錫倍攀銀鑄槍首獄吏羣臣相視啞無一言書傳  
以來所未經見古不具論秦漢而下宰相有犯坐請  
室不過數日自非大逆或戡或原人主未嘗不為引  
疚今繫輔所坐昏庸疎率為罪督攀染耳閣臣遠度  
為難料閣臣以邊事坐誅後之閣臣必顧盼躊躇不  
敢更任邊事邊臣得以瑕罅却閣臣後邊臣有事必  
撫閣臣片語為質是使輪扉之上劉邊境為異域也  
自古宰相無大故而伏斧鑕者止漢劉屈氂及本朝



夏言耳今卷議謬悠謂殺彙輔為文龍報讐朝廷自為神人抒憤何嘗計一故弁然物情如此則邊將必驕邊將志驕則閣臣權絀故殺一閣臣為文龍報讐猶可為東江叛將劉興治樹幟則不可借一閣臣為邊臣今日示前中則可為政府異日設後併則不可且自陛下臨御以來輔臣負重愆者九人矣一代之中有幾軍輔而挫折至此乎疏入伴旨責令回奏者再明年正月復三疏入道周賅伎調外而帝急亦為感動其夏五月大早刑部尚書胡應台等乞宥龍錫給事中劉斯球繼言之詔所司再讞獄入命遠戍定海衛居戍所十二年兩遇赦不原其子請輸粟贖罪會周廷儒再當國尼不行福王時始復官還里未幾

東下

辛年六十八

朝鮮傳 明史稿

天啟五年十二月文龍報朝鮮逆黨李适韓明建等起兵昌城直趨王京被臣擒獲餘孽韓潤鄭梅等竄入建州有左議政府尹義立約為內應期今冬大舉犯鮮臣已咨國王防守暫移鐵山之眾就雲從島柴薪登萊巡撫武之望奏毛帥自五月以來營室于須彌所謂雲從島是也今十月又徙兵民商賈以實之而鐵山之地空矣兵部言率制敵國者朝鮮也聯屬朝鮮者毛鎮也駕馭毛鎮者登撫也今撫臣與鎮臣不和以致鎮臣與屬國不和此敵之利而中國之大不利帝乃勅勉鎮撫同心而韓潤尹義立等令朝鮮

自處侗又請徹遼民安插中土兵部言遼人去留文龍是視文龍一日不去則遼人一日不離鮮人驅之入島可也驅之離島不可也宜令鎮臣將遼民盡刷過島登撫刻期運糧朝鮮量行救賑以資屯牧臣願鮮人無遠遼人之心並願鎮臣無遠遼土之心帝是之六年十月侗上疏曰皇朝之于小邦覆憐之恩視同服內頃遭昏亂潛通敵國皇天震怒降黜厥命臣自權署之初不敢違靈即命陪臣張晚為帥李适副之付以國中精銳進屯靈邊一聽毛鎮節制以候協勤之期而适重兵在握潛蓄覬覦遂與龜城府使明建舉兵內叛直犯京城晚收餘兵躡其後與京輔官兵表裡夾攻賊皆授首毛鎮當全遼淪沒之後孤軍

東下

東渡寄寓海上招集遼民強負而至者前後數十萬亦小邦所仰藉也尹義立曾任判書本非議政頃年差為毛鎮接伴官不稱任使褫職歸家並無怨叛本國之事毛鎮所據王仲保等所訴都無事實意必有讒邪之臣欺罔督撫以售其交構之計者毛帥久鎮海外安撫流民臣與周旋已近十稔雖餽牽將竭彼此俱困而情誼之殷實無少損且其煩彌之遷直為保護累重兼以就使易薪一進一退兵家常事詎言噂沓本不介意竊見部撫移咨曰虞其偏處曰驅其民驅其帥甚至有布兵以防屬國搗貳之語似海外情事未盡諒忠臣與毛鎮同心一力建功報主豈敢有一毫猜防意乎帝報曰王和協東鎮愛戴中朝忠

貞之忱溢乎言表朕甚嘉之鎮軍久懸鮮遼雜處之  
客累主生寡食多微王言朕有不坐照萬里之外者  
然毛帥在中朝為牽制之師在王國則唇齒之形也  
海上勿輒已令部臣區畫刻期運濟逃難邊民亦令  
毛帥悉心計處俾無重為王累傳訛之言未足介懷  
並力一心王其勉之七年三月兵部上毛文龍揭言  
麗官麗人招敵攻鐵山傷我兵千人殺麗兵六萬其  
糧百餘萬敵遂移兵攻麗矣帝報曰敵兵東襲屬國  
不支折而入敵則敵益張非吾之利也毛帥無懷宿  
嫌致誤大計可速相機應援登撫李嵩奏朝鮮叛臣  
韓潤等誘敵入安州節度使南以興自焚死中國援  
兵都司王三桂等俱陣亡平壤清敵攻黃州既高復

東下

奏敵破義州及郭山凌漢山城將吏數十員軍民數  
萬口屠戮無遺平壤黃州不戰自潰兵直抵中和游  
騎出入黃鳳之間又分向雲從攻掠毛帥國王及士  
民遷于江華以避敵鋒時

大清兵所至摧破蕙無吞并之心故遣使諭宗既服  
而舍遂班師瀋陽崇禎二年六月督師袁崇煥殺平  
遼將軍左都督毛文龍于雙島六年六月倭移書總  
兵黃龍言文龍舊將孔有德耿仲明率士卒二萬投  
順大清向朝鮮徵糧本國以有德等曩在皮島為本  
國患故末之應十年正月

太宗文皇帝親征朝鮮三月總兵陳洪範調各鎮舟  
師赴援官兵出海越數日山東巡撫顏繼祖奏屬國

已破嗣王出降今大治舟艦來攻皮島鐵山其鋒其  
銳目前事勢先自為地而後可為鮮地必先進足守  
而後退足戰竊謂皮島一塊土鮮之所為伺動靜亦  
登之所與共休戚宜急勅沈世魁陳洪範二鎮臣以  
堅守皮島為第一義無何皮島竝為

大清兵所破朝鮮遂絕不數載而明亦亡矣

按崇禎時列傳涉東江事凡數十處不曰跋扈即  
曰冒鉤明史稿乃鄧人萬斯同所撰何以無一筆  
為之洗濯既而思之史以傳信崇煥受我朝密  
旨殺之體例自宜如此及諸外國傳毛帥之克乃  
如鐵索方知與兩毛公及滄江漫叟均為具眼他  
不具論即如所書督師袁崇煥殺平遼將軍左都

東下

督毛文龍于雙島一句書平遼將軍紀其功也書  
左都督能其官也書殺不應殺也春秋之意隱然  
矣曰督師明非奉旨而責國罪已寓其中毛帥從  
此瞑目千秋矣向使皮島不亡朝鮮有助明命焉  
得而訖

聖世大一統之基即于崇禎二年六月卜之豈非天  
哉

又按毛會侯集殺毛帥乃崇煥誘入古廟中假詔  
旨行之斯為得實毛居雙島已十餘年帳下甲兵  
幾百餘萬猛將謀臣車載斗量不稱詔殺之崇煥  
能出雙島一步哉又況文龍賜劍尚在劉愛塔孔  
有德等起而誅之如拉朽耳試思懷宗當日欲殺

一內地總兵尚恐其擁兵叛去密詔經畧誘斬之  
又如崇煥下獄大壽叛明必得崇煥手書方肯來  
歸而謂東江兵卒甘心視主帥之無罪而就死地  
誰能信之荆溪任安上附志

袁崇煥素林雜俎

袁崇煥備兵遼遠值樞相孫承宗于榆關孫方被論  
乞骸崇煥曰相公果欲去某願捐三千金助彈文孫  
笑曰若然幸為藉重第不肖去後經畧必喻使君安  
性而足下代其巡撫喻亦不久又足下經畧矣未知  
巡撫又何人崇煥曰有劉詔後俱如孫所料而崇煥  
輕脫可見嘗于演武場較閱忽自起舞防牌中殿已  
已四月崇煥遣把總吳千總陳使建州以

東下

五

故遼人方君達來報二十四日陰謀索通賞且佯輸  
被情約殺島帥毛文龍許之又告飢遂令都司蔣文  
舉開糶於高臺堡名賑熟夷也遼儲始竭尋用都司  
吳克計搗軍矯殺文龍

庚午十一月籍沒袁崇煥家妻阮氏女三歲六歲從  
于北晰使女四人蒼頭八人婢三人書籍財物十六  
筭槍二馬口俱解京

毛文龍素林雜俎

天啓丙寅六月金人遣毛文龍書曰古國家興亡皆  
天運循環其將亡也必災異屢降各處兵起其將興  
也必天默護佑動而成功南朝運終死數未盡天使  
喪亡將軍豈能救之乎良禽擇木而栖賢臣擇主而

事韓信陳平棄楚而歸漢劉整呂文煥棄宋而歸元  
此皆默識天時擇主而事名垂後世自古天生帝王  
不念仇隙只論功德管仲桓公之仇也不殺而相之  
遂成霸業敬德太宗之仇也不殺而將之以有天下  
今將軍竭竭力辦事君臣皆迷反受禍患南朝氣運  
已終時勢已盡悔之不及文龍不報

毛帥東江

劉愛塔札有德  
成化事附本未滿道

嘉宗天啓元年夏五月遼東巡撫王化負違牒下練  
兵游擊毛文龍率軍丁二百餘名赴河東招降叛逆  
恢復疆土許其便宜行事文龍報稱由三岔河至娘  
娘宮十餘日方至猪島上岸人民盡空房室焚燬七  
月初一日又由猪島外洋渡民舟而母子李景先原

東下

五

鹿島居民也願隨効用即與千總劉初四日至鹿島  
先令景先至島探之始知有建州委官胡可署等已  
原是島搬運牛馬糧食勒取婦女下令剃髮文龍遣  
守備蘇其民率領官兵進島驅逐安撫居民初八日  
至給店島亦如之初九日至石城島獲島官何國用  
斬首級三擒獲三十人並得舟一銅砲一鐵砲四其  
時有遼左諸生王一靈因遼城被陷父子直往朝鮮  
投揭國王借兵恢復遼左朝鮮嘉其忠義加宴禮送  
之歸國亦至石城與文龍會文龍因令一靈至朝鮮  
彌中堡地方潛令鎮江避難人民暗通鎮江士庶咸  
共響應次日千總徐景柏使弟徐六潛渡通款且云  
建州所署游擊佟養真選兵二百餘名抄殺黃嘴山



人民未歸文龍與一盜議謂鎮江兵止千餘壯勇既出城中必空若以奇兵掩其不備城可襲而得也即令守備蘇其民分兵要截去兵歸路文龍與一盜等自率新舊家丁七兵直至鎮江城外二十里登岸鎮江中軍陳良策約為內應雞鳴薄城下千總張元祉等先登陳良策率弟良漢蘇萬義等內外夾擊遂克之佟養真率家丁前迎被擊仆地就縛並獲其子佟豐年文龍烏合之眾二百人涉海三千里鎮江既復寬鑿一帶城堡相繼降數百里之內望風歸附日扶老携幼至者百餘人文龍以為人心如此正可乘機進取但初下鎮江兵勢寡弱恐人解體雖乞兵朝鮮尚未見赴當速發救兵數萬餉數十萬以成大功王

東下

去

化貞以其事上聞授王紹勳鎮江副總兵毛文龍參將或駐義州或駐鎮江連合南衛東山圍進取命兵部移文天津巡撫畢自嚴登萊巡撫陶朗先督兵策應其化貞調度廣益兵馬相機征勦一面咨經粵能廷弼嚴勒兵將抗扼山海三方協力務收全勝八月建州兵襲金州遼陽距鎮江八百里多崇山峻嶺惟海州密邇為必爭之地而旅順實登津之咽喉南衛之門戶金州又迫近登萊者也時中國方聯絡朝鮮遣專官設重兵故建州兵襲下之以杜往來之路九月鎮江復陷毛文龍走入朝鮮初文龍克鎮江屯民踴躍來歸後見兵勢寡弱人心頗搖王紹勳駐兵鹿島去鎮江百餘里觀望不敢進文龍求救于王

化貞未及應建州兵大舉圍鎮江文龍走入朝鮮建州兵入鎮江盡屠之時南衛屯民結聚鐵山上建州兵仰攻之不利被傷數千人乃增兵持一月糧圍之蓋金二衛皆降惟復州單游擊聚遼人數萬盡赴長山島建州兵駕俘渡江攻之島人溺死者甚眾邊兵坐視不能救

二年夏五月授參將毛文龍總兵王一盜登萊通判督畫文龍軍務發糧二十萬石銀十萬兩給文龍仍頒賜勅印旗牌假以便宜行事兵部奏議毛文龍等命朝鮮潛踪海島向議發閩兵三千航海應援仍乞令給銀六萬以濟其急誠憐之也已而閩兵不能即發則請淮上兵勒期渡海竊以敵人雖鳴金而西反

東下

去

顧巢穴亦未必無恐有以可用之師不圖接濟無乃灰忠臣義士之心乎奏上乃有是命秋八月平遼副總兵毛文龍遣部將陳忠等克櫻桃渴渴站等處有新獲九月麻羊島守備張盤收復金州六月中敵以劉愛塔之故將金復諸州民誅戮殆盡逃難人民甚多守備張盤程鴻鳴等具舟艦至青山嘴渡之盤招撫遼民男婦老幼以四千計並無尺布掩體于是批選精壯列有三十五隊因哨探金州城內建州兵止五六百遂率島兵以及老幼遼民助張聲執盡晝伏夜行齊至金州南城門下舉火軍聲振天建州兵驚清出北門遁去盤進城安撫居民遂復金州毛文龍上疏曰臣一介庸愚在遼二十餘載以撫臣王

化負委任遂以孤軍擒叛逆于遼民潰散之餘復鎮  
城于麗國畏懦之後雖至風競水堅糧匱援絕而猶  
仗皇上威靈廟堂勝算計復寬設衛聯南衛而去冬  
十二月內敵人渡河之後尚餘十餘萬歸義之民暨  
陰陽其志之麗人牽制東兵使無西犯倘津登之後  
師一至廣寧之進兵有期臣張勢寬鎮倡率南衛用  
報撫臣知遇之恩即以報皇上寵異之典乃今津登  
之應援議同築室山海之防守志切剝膚設奇上以  
定分合保危關以衛神京復如理亂絲臣雖孤處海  
隅瞻依闕廷未嘗不嘆息悲咽而繼之以涕泣也敢  
為皇上陳之請于喜峰山海各處多置大炮地龍以  
資城守以折敵志此山海所以待西虜之法也勅登

東下

萊撫臣嚴禁奸人批札入麗多端擾害則麗國自悅  
此登萊所以聯朝鮮之法也至于三方布置之謀以  
廣寧為正登津為奇今則山海宜守登津宜戰若就  
登津較量則津兵當以應援山海而登萊接聯旅順  
密通朝鮮但令各島聯絡其中島上居民慮無不效  
命者夫或召或勦或戰或守或進或退或合或散出  
沒海上神島間之奇謀用登鮮之聯合固非特牽制  
奇着奇為恢復要着臣請以遼兵二千使都司陳大  
韶從島入守旅順則登津朝鮮之水路通矣請以遼  
兵二千使都司王學易從島入守金州仍令陳大韶  
應援則彼此牽制有牽然之勢矣請以遼兵二千使  
游擊宋鵬舉從島入守復州則斷敵人之左臂矣使

劉可紳入守海州使林茂春入守蓋州即命劉有仲  
為之應援使程愆入守岫岩使尤景和各率所部乘  
除于鮮鎮寬設間並相機宜入敵寨且分且合以疲  
其力且進且退且戰且守以挫其鋒擊彭越肆楚之  
法孫子懼吳之術敵之速者勞合者分而後臣督率  
眾營各兵憑山扼險直逼遼城山海關更出師感之  
正如山海扼其頸三岔截其腰臣等于東南樹其背  
並扼其尾遼可復也夫招練遼兵既免安交行糧又  
省日月稽遲兼習敵情而我得一人敵即失一人乘  
之得也乃過慮者謂遼民藏奸毋使渡海不知遼將  
或多通私遼民竊懷報國何奸之有皇上誠聽臣計  
給臣餉三十餘萬再挑遼津登各處遼丁二萬又募

東下

浙兵精於火器者萬餘給盜甲器械分往各島俾圍  
戰守以襄恢復奇正互用首尾夾攻豈特敵人不敵  
麗山海即河西亦不敢輕渡矣奏入下部議之兵部  
覆奏以文龍接濟之說急者自急緩者自緩此已腐  
舌彼如充耳致使君令不足以敵臣意當局不足以  
動旁觀奈之何哉假令偷關可丸泥封西人可鞭蓋  
使文龍即不妨棄置于虎狼搏噬之穴若猶未也則  
何恃而不恐數月以來靈前諸處敵未敢以一矢加  
遺誠恐長驅而文龍之議其後也文龍滅敵則不足  
牽敵則有餘議者棄文龍如溝中梗敵一意西向捲  
甲疾趨危關孤壘奚以禦之據文龍疏中謂某島該  
兵若干統以某將誠不欲海上各區使敵先據長彼

觀觀之心絕我牽制之路也夫遼民苦敵之虐逃依麗國者以十餘萬計其心為中國死者亦且數萬誠勅令戶部亟如臣議運餉十萬往前倭濟選遼民勇悍者置之行間列于各島以所舉材官分隸之既無招募稽遲之誤又無安家行糧之費較之客兵不習水上不耐風寒不勇戰鬪者皆倍省而氣復倍壯也夫其不可九泥封鞭華使者朝廷且不惜數百萬金錢為補苴之計而明明能乘敵之隙者任其疾呼不為引手臣竊惑焉

三年春正月督餉巡按江日彩疏曰竊見援遼總兵毛文龍將東征將士竊效按臣復命之典人列四六考語特疏舉刺甚至朝鮮君臣與夫宰執經畧督餉

東下

部院司道登萊巡撫海各道以及餉臣無不人列姓名盡在薦揚之中而歸重于推官孟養志武帥趙俎深駭聽聞乞降勅飭之 二月詔賜毛文龍尚方劍璽書關防加其弟毛雲龍錦衣衛職銜 四月建州兵攻旅順堡都司張盤大創之先是盤守金州偵知建州人探掠淫恣于二年初五日夜領兵襲之建州兵奔竄永寧等堡俱下建州積益眾來攻盤以眾寡難敵預領兵出城伏于山間俟其入城棲息已定伏兵圍之砲擊刀斫斬獲無數建州兵擲器械而奔盤以兵少糧乏不敢回復州隨移兵于旅順三益海口偶有風捐南船內有濕爛米豆千餘石兵民賴以存活至是建州又率萬騎來攻旅順堡我兵奮

擊建弱不能下遣使招降盤即斬以徇于是圍益急盤設伏南北兩山夾攻建州兵大敗而去 九月毛文龍奏滿浦昌城之捷 十月文龍奏請兵餉命以漕糧十萬給之 閏十月毛文龍奏涼馬佃之捷又奏牛毛大捷斬級二百三十有奇生擒四人獲馬九十四匹 十二月文龍奏請餉疏曰兵法云知彼知己百戰百勝臣則知之矣知鎮江之可克率二百餘人以往知遼民之可鼓招致之而無疑知麗地之可居不猜嫌而竟去知年餘之無應援而不為害安坐以圖牽制知敵之可計取屢設疑而獲勝又知明年決可以恢復持請足用之餉通者大捷本可堅據險要以老敵帥因糧不繼撤去而返以知糧之關係其

東下

大也今者之請不辭去敵臣意無他專欲恢復以報皇上若職掌大臣又或推阻臣惟有將印勅牌劍盡交之南北軍中隻身而去斷不忍袖手窮島坐視山海之惶惶神京之震動今天下萬世笑臣之無長識也四年夏四月島帥毛文龍擒建州頭目又敗其眾于高嶺沙松牌俘敵奏捷建州頭目金重德奉其主之命往平鹿于東歸路口淫掠士女偵事報文龍隨令王德等襲之陣獲金重德廖大等共十六人已而發兵過江將士王輔陳繼盛等力戰又擒其部長太索斬獲首級甲馬器械有差 秋七月毛文龍進呈地圖並陳戰守糧餉軍需事島帥三捷將毛文龍兵至把骨寨骨皮宏分水嶺三戰三捷斬級四百五十



餘生獲二十餘人所得馬械無數 八月毛文龍獻  
傳並請鈞請加銜諸將士及優恤陣亡官兵 冬十  
二月以毛文龍孤軍海外屢建奇功頃又不從及聞  
焚感特從優加左都督仍賜蟒衣一襲銀五十兩其  
將佐加秩有差給糧二十萬復諭文龍選士屬兵相  
機進取以奏成功先是文龍奏稱建州致書求款又  
接李永芳手札以文龍族屬在遼者俱加優待誘龍  
同叛中分土地事聞于朝故屢膺寵錫

五年春正月毛文龍奏乞昏王化貞以不死認以威  
福出自朝廷不得干與責之 三月建州兵攻旅順  
守將張盤朱國昌死之已而游擊林茂春要其歸路  
擒斬有差金州東聯海蓋南近登萊為兵爭之地初

東下

至

張盤駐旅順朱國昌駐長行曾有功駐三山島皆毛  
文龍所撥守百里碁布鼎足傳烽而有功不奉鎮撫  
命擅約張盤朱國昌修復南關破土興功及二將至  
有功負約不赴建州兵猝至眾寡不敵盤國昌俱力  
戰死之建州兵遂破旅順有功潛匿不救建州兵引  
還乃令裨將張攀守之 秋七月兵部酌議旅順駐  
防定畫略曰當文龍之徘徊各島也豈真相度要害  
惟敵是求夫亦騎虎之勢苟安焉以觀時變而流竄  
相依漸乃成聚將軍于是乎有生氣有雄心而登陸  
以探之乘夜以試之間有斬獲張而大之廟堂之上  
亦不得不過情獎許耀威遠方或一道也俄而分曹  
漸廣哨探漸西因旅順之棄地而喙息焉見金州之

沃上而垂涎焉艷恢復之高名而先手焉意他鎮之  
坐糜而傲睨焉志本大而氣亦張則眇視乎同列局  
已濶而力不副則歸怨于比隣東之于登也則多激  
詞而登之于東也認為詭語豈待今日而知尾之大  
足之高乎以今日論之夫文龍者以為征勦之大兵  
而冒險以窺老寨越遠以襲新城則誣也以為牽制  
之游兵而練舟師以習水熟海道以通關則不為之  
矣以為招撫之要地而護難民無使為彼盡致降民  
無使為彼用則更不可少矣此平鎮之平論也若夫  
旅順之撤張盤原屬倖功南關之工作更不待言今  
宜令張攀暫停近島為楊帥前鋒恭或善力以待大  
舉或風口可乘不時游兵亦不得輕野深入致有疎

東下

至

虞其挑濬長城子鹽塢口節定為張攀哨地可也  
冬十月登撫武之望以張攀守旅順毛文龍使張善  
繼撤其兵民登撫捐米助攀以救飢荒文龍不悅朝  
鮮又與文龍不協兵部上疏曰國家兩大局一在關  
外一在海外其犄角之勢同其所關成敗之數同其  
兩不相下而成相逼之形又同且以海上言之牽制  
敵人者朝鮮也聯絡朝鮮者毛文龍也駕馭文龍者  
登撫也傳云以忍為國又云師克在和今日詬辭之  
事起以小不忍成其為大不和撫臣與鎮臣不和鎮  
臣與屬國之臣又不和使敵得以伺其便而抵之隙  
此敵之利而中國之大不利也乃改之望為南京兵  
部侍郎

六年夏四月總兵毛文龍奏擒東人二十九名並獲馬騾器械兵科薛國觀議曰毛文龍者以牽制建州為職者也果能牽制使彼不敢西來即不必屑屑然有所擒斬獻俘功自昭著于天下倘不能牽制使彼無顧忌而西縱日擒斬而日解投何益於封疆之大事哉詔從之諭文龍建州大舉入遼遠竟不及知據所駐須彌島去建州寨三千餘里去遼遠亦如之遠不相救宜審處奏聞以圖報效文龍上言臣于去年十月即發塘報言彼正月後必將大舉入犯煙畧高第得報修守備臣非不知也正月十五日臣從雲從山發兵今易承惠等進攻威靈營林茂春王輔生進襲海州衛敵聞掣回臣未嘗不牽制也建兵攻圍被

東下

挫兵家所謂強弩之末特慮遼遠潛師追襲故緩退以示整暇而以假兵歸遲為臣罪豈不拊心長嘆乎臣駐須彌島三山接壤廣二百餘里中則雲從山須彌島在其前真珠島踞其後以陸程計雲從之離鐵山有八十里以水程計僅三十里耳雲從與須彌至義州上一百六十里鐵山亦如之義州與鎮江相對不過三四里鎮江至遼陽三百六十里是鐵山須彌之于彼寨在五百里內而謂相隔三千里是建臣欺皇上也臣請為皇上陳之夫兵首論人心次論地勢遼瀋既潰議者主三方布置今止遼遠東江耳以人心論遼遠遼兵少而西兵多東江則海外孤懸無所退避盡用命之人心以地勢論遼遠至山海一線可

通轉輸易足東江則往來接濟春尊凍閉及冬復合便成絕地大非易守然遼遠至遼陽皆寬平大道能守而不能戰東江則憑險可以設疑出奇可以制勝水陸齊通接濟則艱戰守則易有可據之地勢人心與地勢合進勤恢復終是東江事半功倍此非敢信言也乃廟堂之上全無定計彼不西去不言牽制得力一騎過河便言職不牽制警息而厚情泄泄警動而眾議紛紛及今日更議移鎮此何見也加餉兩年未增器械兩年未至船隻方在鳩工而部臣猶言不擇患索以供之將使麗人節聽乎抑以此請建州也竊恐東江移鎮地勢一失人心使搖無論不能進勤亦不能牽制斷斷乎其不可者上從之閱視編修姜

東下

曰廣給事中王夢尹上言文龍以二百人入鎮江據鐵山招清散之民至萬餘即不謂攻建州之心腹亦可謂收遼左之子遺不愈于遼陽一陷望風而潰者哉如文龍者不可不謂之豪傑若堂堂正正與鐵騎決勝于郊原臣等不敢信文龍至于設伏用間乘敵出奇文龍自信其能臣等亦信文龍之能也 五月建州兵將西行島帥毛文龍身督將士攻會安堡克之接回難民千餘擒獲三十六人 八月建州兵東下島鎮將士遇之于大石門嶺七道河擊敗之 九月旅順兵變時旅順裨將李鏞素貪淫毛文龍遣官提之鏞遂叛去 七年春三月建州兵攻朝鮮朝鮮不支折而入于建

州遂導建騎東襲毛文龍力禦之東江將士高萬重  
徐數奏鄭繼武等皆潰文龍遣其子參將毛承祿等  
襲建州兵于義山廷關口錢山等處上命文龍相機  
戰守並命登撫暫移登青萊三府倉儲接濟勵戎士  
以壯軍聲初建州兵東行克艾州宣州畧鐵山郭山  
及攻雲從島不下又東取安州攻直定二州戰不利  
遂還師 八月巡撫登萊都御史孫國楨報毛文龍  
宣州之捷頌及厥臣魏忠賢 九月平遼總兵毛文  
龍訴乏餉奏不平五事乞身求代不許

懷宗崇禎元年秋七月起袁崇煥督師遼東時朝議  
念皮島毛文龍難取大學士錢龍錫被命入都過華  
亭徵士陳繼儒繼儒定策請誅文龍龍錫領之至是

東下

五

龍錫與崇煥言邊事崇煥答以從東江做起龍錫曰  
舍實地而從海道何也崇煥曰可用用之不可用殺  
之此崇煥所優為也遂定計去 八月毛文龍慰諭  
各島值風泊登州

二年春三月袁崇煥奏設東江餉司于靈遠令江東  
自覺華島轉餉禁東萊商船入海毛文龍屢奏其不  
便崇煥不聽又請自往旅順議之 五月袁崇煥巡  
鎮江再宿勞軍東江尋至雙島平遼將軍毛文龍時  
詣登州請餉聞報馳還 毛文龍請餉初文龍報兵  
二十餘萬兵科給事王夢尹翰林院編修姜曰廣詣  
島閱視報十六萬及登萊道王廷試定額二萬八千  
人文龍大不平故有是奏 六月督師袁崇煥誘殺

平遼將軍毛文龍于雙島文龍錢塘人少不羈為鄉  
曲所輕走塞外潦倒行間者十餘年天啟初過丹陽  
誘葛雲程論邊事知其能為于遼撫王化貞校標下  
游擊化貞遣之東襲鎮江會廣靈陷文龍因駐兵須  
彌島當遼事破壞之餘從島中收召遼人牽制金復  
海蓋時時襲建州頗有斬獲積功至左都督漸驕恣  
所上事多浮夸索餉人每歲多百二十萬朝議多疑  
而厭之熹宗崩上踐祚諸文臣視東江為贅燕餉道  
屢絕文龍退保皮島初天啟間崇煥撫遼東遣喇嘛  
僧錫南木座往建州主款會罷歸未就至是再出無  
以塞五年平遼之命乃復為講款計建州曰果爾其  
以文龍頭來崇煥信之且恐文龍泄其款計遂身入

東下

五

島誘文龍至犒吏卒給文龍來謝坐語良久崇煥曰  
明日不能距別國家海外重寄宜受煥一拜拜已相  
約減從往游指揮各營兵四面引圍止文龍兵于外  
以郭曲百人從崇煥問東江各官姓名俱對姓毛崇  
煥笑曰若等乃都姓毛若等壯士宜為朝廷宣力徒  
以海外勞苦糧不時給發深可憫惻若等亦受我拜  
拜已眾俱感泣遂問文龍曰東江餉司自靈遠輸之  
亦其便將軍何專折色召買登萊也且移鎮定營制  
分旅順東西約束核餉業已申奏將軍執意不回非  
冒餉欺君而何語畢西向叩頭請皇命褫文龍冠帶  
數之曰汝有應斬十二大罪夜即自據專制一方罪  
一冒功欺君無汗馬之勞罪二牧馬登萊無人臣禮



東下

元

罪三兵馬錢糧不經查核每歲侵剋數十萬罪四私開馬市潛通島夷罪五命姓賜氏不出朝廷走使與臺濫給劄付罪六劫掠商船身為盜賊罪七部將之女收為姬妾民間之女沒入為奴罪八逃難遼民禁勿渡海令強參飢死島中草菅民命罪九拜魏忠賢為父迎冕旒像于島中罪十鐵山遼人逃竄皮島格敗為功罪十一開鎮八年不復寸土觀望養寇罪十二文龍欲抗辨崇煥曰我今五年不復遼願試尚方劍以償爾命又諭其部曲曰文龍不宜殺若等即投我各錯愕不敢對命旗牌張國柄以尚方劍斬之分東江兵四萬八千人為四協副總兵毛承祿中軍徐敷奏游擊劉興祚副總兵陳繼盛各統之東江諸務屬繼盛暫領明日祭文龍而泣遂收符印自旅順還於遼遠因奏文龍罪並以便宜自劾上以文龍驕蹇不之罪且嘉諭之未幾建州兵大舉南下薄都城魏傳崇煥召寇磔于市詳詳四年五月前東江副總兵毛承祿揭訴父文龍之克曰祿父疏報自天啟四年至今上三年正月詳詳懇懇不曰遼陽舊城距潘家董家口五百餘里早晚可踰朵顏直逼京師則曰要從潘家冷口進攻豐潤臺頭建昌等處不曰甯通西虜混入隊中徑到喜峰口伏兵在後襲其不意則曰要與新婚小歹青從喜峰口等關急兵抄入甚至有臣在似無益于封疆臣死未必不足為神京慮等語而誰其與之頃者宜斬來京敵猶盤踞遵永間蓋

東下

元

兵入前遼踰月而無能辨其為遼與插者既襲陷遼永經旬而猶有傳報而城無恙者則祿父當年何言之鑿鑿如是屈指祿父十年以來無日不與敵爭旦夕之命者如以百九十七人襲破鎮江而擒佟養直等以挫敵鋒用島帥便宜備署朝鮮國事而為擁立新君以存屬國父宗之在遼而避難右屯者三百二十七口被敵搜斬無遺祿父扼于林畔一日七戰以免于難當全遼歡驚鳥散之辰為收拾沿海島嶼二千里逃亡五六十萬還之朝廷據皮島鎮江之形勝以南蔽登萊東連屬國北張鴨勒而成牽制之局建州數大舉竊關父輒乘間抵虛令不得長驅乘勝建州破朝鮮兩道父為截其歸路于于麗地瓶山而鮮疆無恙種種奇績未易悉數而為逆黨徐敷奏用關靈臚秩厚餉來海外飢疲誘去驍將李鏞鄭繼武等五人各島精兵二三萬勢為中頓嗣後中朝疑謗所集登萊庚癸頻呼而父猶痛心切齒抗慨自許豈料遽殞命于逆臣之劍銘哉祿不知當如何為父伸理而惟此逆料假道窺京一案諒為廟堂所扼腕而傷神者揭上朝臣不之省 九月皮島劉興治襲建州兵于青山鳳凰堡屢有斬獲 四年十一月參將孔有德叛初東江劉興治作亂屠皮島皮島舊副總兵張素與興治內戚沈某合謀圖興治未發會登萊巡撫孫元化薦參將黃龍為都督僉事鎮守東江至島興治遂叛去元化以兵部督援

急迫命參將孔有德等從海上以三千人赴之有德  
遭颶風幾死迨歸復命促從陸有德不勝怨望屯鄒  
平月餘進至吳橋亦變 十二月孔有德破臨邑巡  
撫孫元化議親撫之初元化謂復遼上宜用遼人固  
遼心宜得遼將故徵用遼將孔有德耿仲明等有德  
連陷商河新城山東巡撫余大成遣材官往諭不聽  
遣中軍沈廷諭以兵往肩輿赴陣不事介胄而敗元  
化猶決意招撫登萊總兵張可大至朱橋驛值元化  
還登州言撫事已定可毋西行可大叩其背始知巨  
測仍西去元化竟撤止之有德過青州甲騎不及千  
人餘皆烏合矣亦盡余大成擁兵三千追擊甚易元  
化遺書賊已就撫不可往東一步以壞撫局大成如

東下

于

其戒而止有德攻登州初至泥水山困甚元化令家  
丁一登雲持書諭之有德始營山下夜攻城東南砲  
却之又攻西城不克旁掠諸邑元化與遼將耿仲明  
定計招撫

五年春正月登萊總兵張可大令副總兵張素與蜀  
將邵國祚合兵三千六百人戰城東素麾下有叛應  
者忽戴紅巾反戕我兵熾焉游擊陳良謀等死之有  
德上書孫元化元化信耿仲明之言復書許之開門  
納張素兵三百人蓋偽降也各官力阻不聽夜漏十  
刻內應開東門殺官吏紳民幾盡執孫元化及兵備  
宋光蘭分巡王梅等里紳梁之垣拘于游擊耿仲明  
家脅元化賂余大成書求奏赦願恢復遼東更遣舟

募兵居七日通有船航海乃縱元化等歸張可大知  
水城不可守殺婢妾自經于太平樓張素亦懼罪死  
初有德攻城登人告急元化怡然曰已別有計遂陷  
遼兵欲殺宋光蘭因自叙清操而釋殺故河州判官  
張瑤元化尋航海逃至天津伏誅光蘭等俱請戍孔  
有德陷黃縣罷東撫余大成以謝璉為副都御史巡  
撫登萊擢山東武德道參政徐從治巡撫山東從治  
遂入萊州治城守孔有德引兵薄之總兵王濬與楊  
御着不協遠屯御蕃戰失利入萊城見攻益急 二  
月參將彭有謀以南兵三百人入萊城共守初萊城  
乞援于總兵劉國柱國柱抵山東境頓兵不進兵部  
督畫主事張國臣遼人力議撫中朝皆倚之謂撫成

東下

于

則萊危自解巡按王道純言三事曰分移駐新撫臣  
徐從治防臣謝璉不宜並城一當移駐萊陽相犄角  
曰須精兵孔有德所畏惟降夷川兵宜加調為合勒  
計曰慎招安彼既叛亡無論不來即來而收之保無  
奸人內應乎必過萊入登在彼受降為便也 三月  
張國臣出撫遼兵巡撫徐從治上言撫使一出則攻  
城益急乃謂我不當絕城出擊以怒之也爾果必使  
任意攻圍我拱手以萊授之如孫元化之于登城而  
後成其撫乎叛兵視臣等猶元化也元化已一誤國  
臣又從而效之盈廷集議自以為一紙賢于十萬援  
兵絕跡職此故矣臣死當為厲鬼殺賊必不敢以撫  
之一字而謾至尊敗封疆而戕民命奏入不報蓋登

萊撫議賈周延儒主之 孔有德以舟三十艘招皮  
島將陳有德有德誘殺二島將以三千人入登州

四月總兵鄧玘王洪以川兵萬人自昌邑東援距萊  
州四十里而止萊城糧乏出兵于外樵採被掠三四  
百人有德進攻西南隅巡撫徐從治傷于砲死之從  
治奉詔駐青州以萊城危急駐青不足以鎮萊人之  
心而入萊則可以繫全齊之命遂委身孤城示萊人  
以必死有德盡銳圍之屢旬不叛慮守兵之議其後  
終不敢解圍長驅全齊賴以保障從治既死萊人感  
其義卒堅守不下 七月孔有德誘執萊撫謝建先  
是推官屈宜揚以總督檄入萊城云叛兵且降欲一  
見建先信之遂主其議遣萊州知府朱萬年同出宣

東下

詔被執萬年亟呼閉門有德即殺之推官屈宜揚得  
入尋自經死有德擁二內監至城下索巡撫印不應  
而退萬年備粥糧設守具拒敵數月其力為多是日  
妾生子人幸其有後初孫元化既敗南京吏部尚書  
謝陞言撫不可再誤總督劉宇烈卒以此自愚輕遣  
屈宜揚往諭遂隨其計科道文章劾之命逮訊 八  
月孔有德攻高密東路參將辛文綬擊敗之有德等  
欲航海先移家長山島官兵奪其路有德撤精銳入  
登州北城將甯通炮兵吳履率眾先登復招遠再復  
黃縣有德解萊州圍遁 九月孔有德欲奔山海兵  
敗復入登州城官軍圍之有德復出戰副總兵丁思  
侯中砲死 十月登州降兵六百人謀為外應連將

祖大弼設計盡殲之官兵進攻登州城裨將程仲文  
祖邦樓中流矢死有德及李九成棄登州率萬人出  
戰而敗九成中彈死有德逸出航于海

六年夏四月孔有德耿仲明自蓋州歸于建州初仲  
明弟裕陰通于建州東江總兵黃龍計誅之及登  
州陷龍家在城中俱死龍又撫定鹿島長山島旅順  
島各誅其黨時守旅順計有德等必逸逸必道旅順  
奔建嚴兵以待及至逆擊大有斬獲擒毛有順毛承  
福等有德仲明皆故帥毛文龍部曲也已而有德導  
建州兵下旅順黃龍死之禮部尚書林欽揖上言孔  
有德據旅順海上隄防倍宜加緊皮島孤懸恐不能  
獨守宜令登撫擇水師善火器者俾與皮島犄角亦

東下

牽制之一助也 九月命總兵沈世魁守皮島檄諭  
朝鮮世魁遣參將程龍入皮島宣布朝廷德意因至  
朝鮮而諭國王李倧輸餉二千石上嘉其效順特賜  
金綺褒之 十二月東江石城都司尚可喜降于建  
州時孔有德耿仲明在迫力河治舟可喜向與有德  
等同謀毛文龍部下相善因掠長山島廣鹿島縛都  
司孫奠邦李承恩等走降  
八年春正月朝鮮首使攜參贊貿易索值不遂其欲  
命留其貨于關外自是貢臣不至 十二月建州兵  
二十五騎自昌城渡江至朝鮮脅其兵三千人  
九年九月建州兵攻朝鮮登萊總兵沈世魁皮島總  
兵陳洪範進師耀州北岸 十二月丁酉召廷臣于



平臺時建州兵十五萬騎攻朝鮮皆西虜部落及遼將孔有德耿仲明等為前鋒上恐來春復入邊命邊吏增兵築壘

十年三月建州兵破朝鮮國王李宗走澤村山城于是平壤王京皆下李侗力屈降又走紅華島世子見執時總兵沈世魁陳洪範並在皮島世魁有眾萬餘洪範有眾八千戰艦俱不及百命相繼進後朝鮮

夏四月建州兵自雲從島入皮島總兵白登庸提督陳洪範俱西走建州兵五萬駐鐵山遣使招皮島總兵沈世魁不應乃引大兵赴之孔有德將騎兵陸攻耿仲明尚可喜將舟師水攻慶戰再晝夜世魁兵敗副總兵金日觀死之世魁即焚倉粟擄家登舟走石

東下

五

城島陳洪範亦自廣鹿島至先是毛文龍守雲從島建州兵屢攻不下文龍既以誅死劉興治復因憤激作亂人心益搖至是建州兵以遼將為前驅請水戰習地利故所向立下而陳洪範觀望不協力世魁孤注盡沒五月總兵沈志祥作亂殺監軍道黃孫茂副總兵白登庸走降于建州時建州封孔有德恭順王耿仲明懷順王尚可喜忠順王

錦蓋戰守仁名氏記事

崇禎二年六月袁崇煥誘殺毛文龍崇煥再出督師無以塞五年蕩平之語乃議講款恐文龍泄其謀身入島誘殺之詳毛帥東江

三年八月殺督師袁崇煥先是建州兵大舉薄都城

競傳袁崇煥召敵故及崇煥當遼事敗壞之後經畧高第議去靈前錦右專守山海賴崇煥力持之靈遠再復士氣稍振及復鎮劍遼知兵力不敵思以裨闔縱橫出表餌之計而建州因其計反用之借崇煥以殺文龍殺文龍以賣崇煥因縱兵直抵都城而崇煥不免矣崇煥抗慨有權畧能廷弼而後邊吏皆不及其罪在擅殺致敵而一時難民憤禍爰書三尺致寸磔以謝天下蓋刑浮于罪云

崇禎朝紀畧江陰李進之屠公

七月督師袁崇煥擅斬總兵毛文龍于皮島奏報文龍逆跡昭然機不容失使宜行事席兼待罪奉旨文龍糜餉冒功通虜有跡事關封疆安危閭外原不中

東下

五

制不必引罪

按文龍向為遼東參將遼陽陷逃至海濱適有難民數千文龍以術籠絡之同航海至皮島蓋皮島居遼東朝鮮登萊之中稱孔道文龍新荆棘具器用召集流民通行商賈凡南北往來咸于毛處掛號乃得發不數年遂稱雄鎮又掠沿海零丁或指為奸細故稱臨陣斬獲以是積功官都督掛平遼將軍印逆賢時內閣出鎮各邊文龍又疏請閣監其軍上即位嚴汰冗兵勅下山東撫按檄登萊兵備王廷試往廷試受賄遂稱文龍兵馬可用絕冒破文龍亦憚上英明思自立功名遂與東通誠願捐金二百萬易金復二衛地奏恢復功邀上賞

已成約矣袁崇煥以督師出上召問漫以五年滅東為期及到任現知毛有成約陰遣喇嘛僧通款啖以厚利冀解毛議以就袁東人最重誓約堅持不可判喇嘛僧曰今惟有斬文龍在彼不為負約在我可以成功袁遂以閔武為名直造皮島大閱軍士毛置酒高會次日文龍進謁亦置酒留宴酒半伏甲起稱有密旨即座中擒文龍斬於轅門外時崇煥布陣嚴整眾亦不敢犯毛部下千餘人散往他處餘眾悉就撫事定然後入告朝廷亦姑容之先是崇煥陸見入都閣臣錢龍錫叩以遼事答以要從東江做起錢謂舍實地而問海道何也且毛帥亦未必可得力崇煥云可用則用之不可用則

東下

五

東下

五

也是園雜記廬山錢曾

皮島在登萊海中綿亘八十餘里朝鮮居其東北凡倖于島石城島松山長山諸島皆皮島之重門也北抵鎮江九連嶺廣鹿之抵金復鎮江至獮陽寬奠歷牛尾古董諸險始入老寨然地越千里非偏師可以懸度天啟元年辛酉遼東陷武林仁和人毛文龍隨眾泛海過鎮江現城中守禦單疎夜半結眾緣城上

掩殺守將佟養真問關報捷既而走朝鮮據皮島撫臣王化貞上其功于朝授職總兵設鎮海外而島之事始定終嘉廟世倡為牽制之說聯絡登津跨鮮控遼歲糜金錢無算販貂參以輸輦下諸君獻俘冒賞張設鞭擊熾之虛聲而求所謂鳩穴奇謀實鮮有當也崇禎二年己巳督師袁崇煥誘誅文龍收回賜劄符印等分東江兵二萬八千為四協仍用文龍子毛承祿及中軍徐敷奏游擊劉興祚副將陳繼盛各營一協虛其師以候有功者崇煥之意蓋在興祚也興祚初名愛塔遼陽人最為建州所親信愛塔者愛他之偽也守金復每思自拔歸高陽所謂可閤而用解腰帶製誓牌遣壯士張盤潛往招之遂改名歸款柳河之役興祚欲以牛莊內應適召還瀋陽事不就建師圍錦州令其心膂吳堅忠徒步來告袁公得以先期戒備及高陽還里袁公罷去興祚歸無所主始通于文龍凡反扒魚皮諸部貳于建州者咸資而遣之使奔東江先後不下千人文龍屢次報復影略興祚為己功也興祚又遣賤仲明兄弟來歸已則披羊皮雜難民而述文龍接見嘉過望握手出肺腑相告語晨夕與共起居而陰以陣獲報興祚聞之甚會崇煥督師再出乃潛以己意通馬時其弟興治繼至袁公誅文龍興治以材官從格左右無諱者其力居多入謂袁倚講款為秘計恐文龍洩其機謀故誅之以滅口不知崇煥本意謂建州愛興祚真心欲鉤之

使歸其兄弟相繼奔東江獨留其母而不遭誅戮者明以之為市耳若用興祚為島帥則間諜可通而款議或可立就矣時祖大壽亦借款以重于袁恐向劉則已輕遂扶袁不得用興祚崇煥赴援都門留之手竄遠道臣孫元化調關外入衛令興祚主騎將而西入關過高陽下中相應勞涕泣誓死至青山營帽兒頭遇敵自選夷漢千八百騎夜斫營破之明日輕兵出而灰口與建師血戰中流矢而殞興治居皮島間兄死思變心衛陳繼盛謀報其弟興賢以書招之因擊殺繼盛傷帆至長山島徐敷奏在竄遠聞袁殊恐亦被逮日夜謀歸東江不可得密約興治同叛至是期會參差不能卒發興治無內應乃復返皮島高陽

東下

元

竊縻之踰年島人相讎殺並興治為夷婦所誅孔有德耿仲明乘島多變率兵蹂躪登萊有德為毛帥侍史文龍歿後常惇惇不得志登萊解圍竟橫海歸建州當崇煥元朝廷復立東江帥而沈世魁者有女國色文龍納之為妾尊寵冠一時歷毛劉陳黃四姓島人奉世魁不替島帥黃龍死朝議即以世魁代之並用其姪志祥為中軍崇禎十年丁丑世魁死志祥襲襲島帥職而監軍黃孫茂急繼上前將軍印以死拒之志祥志不遂乃舉島復建州即用為伐朝鮮向導矣我屬國中朝填耳不聞高句驪竟作下句驪矣戊寅部科決議撤島徙其民內入竄遠界內東江撤而十八年以來所謂分布覺華皮島廣鹿諸處竒正虛

實符角互用之機並遠納朝鮮近憾鎮江多方誤之法咸與島事相終始焉由今思之亦安得謂文龍牽制之說為盡非乎

毛太保公傳毛先舒小匡文抄

毛太保公名文龍字振南萬歷四年正月十一日生于杭州錢塘之松盛里美鬚目閃閃如電為人落拓不治生屋好談兵嘗與人羣飲酒樓酣拍案呼曰不封侯不罷休眾皆笑之年三十走燕中不過又之遼左遼帥收之皆下授海州軍官漸至都閩後以王化自薦假空札以百得使宜行事時天啟元年也公于是率麾下百九十七人東據皮島皮島者故朝鮮地其地約百餘里四面皆山陡峻惟西邊一隅可通

東下

元

每緝耳公得之金復海蓋諸州俱震朝廷遂以公為正總兵賜尚方劍未幾進左都督又加太保封三世襲一子錦衣衛指揮使于是公益自奮勵築城修樓櫓立火炮為守禦具又建府鐵山立文廟設學諸生得附北直隸山東鄉試有中武者屯田鑄錢通商船為長久之計甚患過敵敢戰決勝屢得捷出奇無窮而神亦助之嘗戰于大石門嶺矢來如雨再易馬行甚疾敵望之皆辟易退却天明還其軍軍士皆歡呼及下馬則一黑虎騰跳而去皆大驚曰大將軍真天人也而丁卯冬有時青人膺召入都與所親客言別飲中間曰僕行矣方今以何事為亟會此客與公私却乃故沉吟久之曰東島大可虞時青領之初公所



招集勇猛士已十餘萬而探聽游哨之人又多日費  
朝廷數千金餉不時發公屢上疏仍不發也公最後  
疏云脫使士伍一朝脫巾而呼臣雖萬死不能禁其  
如國事何建議已疑其要脅跋扈而時貴適入會表  
崇煥新起經畧駐化遠左時貴者陰圖之屯田主事  
徐爾一念公功高而情朝議之多舛也不平乃上疏  
論不可解者四謂關隘一鎮每歲用銀三百萬米豆  
一百三十萬今皮島自天啟二年至七年共銀一百  
五萬有奇米豆共九十餘萬石耳猶紛紛然責其費  
之多乎此其不可解者一關隘極望不過四百里乃  
擁兵至一十八萬皮島所屬島嶼二十餘處浩淼一  
千餘里非得多兵何以守何以戰何以聯絡相為策

東下

下

應乎今文龍用兵十五萬乃謂其實兵止二萬八千  
而餘皆虛冒錢糧也此其不可解者二文龍妻子久  
已歸浙或亦王翦請田宅之意而猶慮其尾大不掉  
也者此其不可解者三既謂皮島為扼要之地而倚  
任文龍乃阻其餉是委之敵耳即謂文龍一身不足  
措而皮島喪師內地必危不此之慮而顧日夜以文  
龍為憂此其不可解者四其餘論形勢兵機之宜而  
極為文龍辨白者累疊千二百餘言且自敢以三子  
一孫保文龍無他不省崇煥乃為書招公會于雙島  
雙島在皮島稍西崇煥云有密語公坦然揚帆來且  
欲因是細陳宜速發軍餉狀時軍中頗以為疑請多  
從者公曰我大將任東隅一面彼不奉詔豈敢殺我

果奉詔而來雖多人何益徒滋情哉且不聞汾陽昔  
赴魚朝恩之宴乎既相見雙島一古寺崇煥謂公吾  
所欲與君語他人不得聞兩人各屏去驕從獨崇煥  
後一書生隨之崇煥顧曰此吾幕中奇謀士此當與  
俱因共挽手入寺僻處而書生者狀短小有力袖短  
刀既入坐定崇煥故移座與公促膝作耳語良久忽  
曰吾今日欲斷將軍頭公笑曰毋聽崇煥曰奉密旨  
懷中出片紙示公蓋矯詔也公疑之崇煥曰我如屈  
殺君一刃他日償君百刃公即下座拜受詔涕淚無  
一言拜起延頸待戮書生遂出刀斬公公死崇禎二  
年六月五日也年五十四崇煥既殺公出雙島還本  
鎮鎮邊而公有族子承祿公養以為子從公在島中

東下

下

官副總兵聞變臺官欲還杭州崇煥復捕得鍛鍊之  
令誣服與父文龍謀叛蓋欲借此以解已擅殺罪逼  
令畫招承祿取紙筆大書岳家父子四字人皆悲憤  
崇煥亦變色已竟被殺于是皮島諸將士共棺斂故  
主帥屍駕海船載柩東北去柩至海中不肯行船反  
逆而西諸將士無可如何乃共拜之而浮諸海率其  
眾竟東北去皮島墟矣夫左臂自此始徐爾一復上  
疏白公寃疏入不報爾一遂掛冠去未幾軍書旁午  
都城大震朝廷知公實枉死又頗思其功逮崇煥磔  
于西市每肉落一塊則人競買而食之百刀之誓至  
此而符時貴人亦得罪公之用兵也嚴賞罰必信與  
兵士同甘苦有古名將風然恃其功能于權要絕不

肯饒遺或送白銀千兩須人參八百斤公但如其銀  
價報之故怒之者多亦以此致禍焉鐵山皮島俱祠  
祀公遼左遺民有挈妻子來竟無所歸號泣自經于  
祠下者

毛總戎墓誌銘 毛奇齡撰

將軍以克死其子承祿已不免當是時藁木倉皇未  
能叙衣冠而封之也

大清興其舊時將吏有建開國勳者定南王孔君分  
藩廣西道經錢塘覓將軍子不得其故居三間已易  
姓孔君流涕去既而他將吏以從龍功受封由浙之  
嶺表有故校知將軍子所跡至厚贈之親詣將軍栗  
號而祭以其殯宮親于海未塋深自責乃謀于定南

東下

王孔君合葬將軍衣冠于靈峰莊樹以碣而以予同  
出姬氏屬為文予惟將軍事在勝代所聞異詞其事  
往往與

本朝抗顏行劣蹟不足道况

大清實錄尚未頒其事不定何敢預有述第古人有  
史傳有家傳家傳與史傳齟齬所從來久且士庶有  
行皆許琢石紀平生將軍貴志沒不為表章即直道  
安在因據其當時所傳行狀據為文益損無益以畧  
存不白之意然受冤依休所宜著也按狀將軍姓毛  
諱文龍字振南錢塘人也少孤隨其母養舅氏沈光  
祚家光祚中萬歷乙未進士官山東布政使司將軍  
幼從學授經生業厭之思棄去客有講孫吳兵法者

求其書諦視忽心間光祚奇之光祚官山東將軍負  
博進隱于著無賴聞邊事日棘嘗密走關盜現其山  
川形勢附辭咨嗟然卒無可如何遼東巡撫王化貞  
者山東人也與光祚善將行就光祚請教光祚曰主  
臣光祚經生未嘗習兵事何敢妄有言獨光祚有妙  
子毛文龍奇才也抗慨多大畧且究心時事久矣試  
與之一旅必能為國効力成功名若但隨諸校藉在  
麾下文龍必不能奮著所長也化貞許諾乃權將軍  
之門擇日選十人起標宴于堂各授都司職而將軍  
為之首臨出鼓吹替以花親易其所衣拱揖上馬將  
軍感泣叩頭斷所易革帶誓曰所不矢死以報國者  
有如此帶先是遼東陷

東下

大清兵一日破百屯自花嶺秀老婆許毛子諱山城  
以及王大人石廟兒蘆丈瓦溝諸寨迎刃而下傍櫻  
山東礦兵及九連大姓之抗命者獨抄花為外樊不  
即破然告急日再至相傳破襲黃沈窪直搗廣靈以  
臨京師自通薊至山海沈塞皆嚴於是為有為批根  
之計者謂當習戈船據島浮洋湖鴨綠以指黃江進  
足聞敵次亦牽制之以邀返顧冀不即前兵科明時  
舉長蘆同知邱雲峯皆前後上書而他負力持其說  
因遣將軍入登萊潛匿海島拜練兵游擊將軍使使  
宜行事將軍乃周視四隩結水營召集壯勇而佐以  
援遼水軍夜入連雲島連雲島者蓋州所屬島也蓋  
海金復共四州以為四大衝皆遼重地而

大清師所署蓋州游擊楊於涓復州游擊單進忠皆  
遼人將軍急通以蠟書使為應乃得下連雲據之而  
進襲猪島時海風大發不能行有民船漂猪島船戶  
李景先為鹿島民避難知鹿島虛實將軍急率之襲  
鹿島賊島官胡可看而其傍給店石城諸島皆以次  
入生得島兵撥塘船連船定波船渡遼人願歸者萬  
餘人安海中而自統兵使戡鎮江上下諸官軍時  
大清兵強威所向無敵前連總督薛國用有云明無  
一勝

大清無一負獨將軍受事後稱稍稍敢仰視然地偏  
人少終非其敵

大清師既切齒思復鎮江而將軍以兵單弱請發他

東下

兵策應之不許乃乞兵高麗久之不即答其參將駐  
各島者又不敢離寸步兵科給事中蔡思充張鶴鳴  
以毛弁孤軍當援不納將軍度勢方未能進取徒守  
鎮江城無益乃大開皮島當時所謂東江者招集勇  
壯並避難民來歸合數十萬人東接高麗限以雲從  
島南出諸島以百數最大者如猪島棒子大小長山  
等與登州相屬扼塞皆以兵據之西北之陸纜四十  
里距今奉天三百而倫將軍遣遊騎四望侯  
大清兵小至可犯則犯之不可犯則乘島  
大清兵習流鮮戈船不繼未遑卒亂海而與之戰也  
近塞動靜稍稍見則曰母西西入而俾兵以故  
大清兵且鄭重為牽制之局局成

大清兵復鎮江將軍却不敢敵熊廷弼聞之大快謂  
其言驗然而將軍雖牽制仍厚圍進取以邀手成而  
關靈諸大臣見

大清兵不即前忘牽制之勞疑

大清師本易與無他長紛紛講東事反謂毛帥跋扈  
不受節制將有患又年饑國帑不給島兵多糜帑于  
是分關靈東江為兩局而欲詿東江者動云糜帑哉  
其兵久之即謂其帥亦可裁而于是惡之者不至去  
毛帥不止而不知八年之關靈亦即八年之東江以  
得有是也初諸島無兵

大清兵久視四衛為不足慮暨將軍以重兵窺其東

則旅順固南衛門戶而金州則又統四衛以逼旅順

東下

者于是發兵戡金州以絕其路而卧榻鼾睡勢應勤  
除書夜寒島米

大清兵思夜渡襲之謀頗秘將軍偵得之則陳斫冰  
冰解復合然脆薄人不知也天夜雨雪雪火集

大清兵從雪上觀一麾而渡渡及半島上兵擊鼓鉦  
呼譟人馬蹂踏多平陷入海自後相語勿渡島會莊

烈帝即位軍需匱有議減島兵者前此天啟未嘗遣  
詞臣姜曰廣科臣王夢尹詣島點閱檢減報一十餘

萬其所缺餉將軍每間洋通市貨以補不給然所存  
猶十餘萬也至是道臣王廷試受閣臣指勒令留二

萬八千而盡裁其餘兵詳島中人洵相相聚而哭漸  
有揭竿以前者將軍斬二將稍止然往往解散降丁



流氏相繼渡海去島中竄然時將軍已授總兵官掛將軍印賜劍得身段然終不能止上疏又不納而督師袁崇煥復欲以二萬八千之鉤扣之往年之浮領者且復定制自今以後凡東江兵糧器仗皆從關門起運至覺花島登舟由旅順以達東江而津運糧料亦當由靖海達覺花島非督師衙門掛號不出門將軍嘗疏曰夫轉運有紆使自登州至旅順捷而易由關門至旅順紆而難夫人而知之也在督臣之意不過欲臣受其節制而不知其勢有不可者臣祇以風候言之自登州至旅順止西南風半日可以早到然有時猶以為遲何則人早食暮飢不能待也若從關門達則必得正西風二日始從牛頭河至長山又得

東下

吳

西南風半日至覺花島又得西北風一日夜至北汛口又得正西風半日至南汛口又得西北風一日至塔連島又得正南風半日始至旅順夫舟附水行不能越岸而直達又不能使風之朝東而暮必西是一歲無幾運而欲以朝食暮飢之人而使之待之是殺之也且津運達旅順為道本紆以故往年所運十止六七餘報以漂沒然而臣知之不得不以實收與之以其運頗艱若再苛之是阻其將來之運也如必從覺花島且必從靈遠掛號則路愈遠津沒愈多將來津運總烏有矣前此閣臣錢龍錫將軍每過崇煥寓屏左右密語龍錫曰誰能除江東者崇煥曰我能之時崇煥為靈劍道至是進督師思其言且深惡其

無禮嘗曰吐安有此明俗輕武人鄉有習武者目為兵不齒于所親武人雖都督長五府出見一縣令必厚禮幣縣令倨視之當答拜遣胥吏持刺去弗親往及見兵部毋論堂上官但司印以下必披執跪退則行兩膝蛇却自稱曰狗有所索必應一旦有事非五府官不領兵領兵必文臣監之祇一推官監其軍必日伺監軍門取進止曰毋動雖百萬兵不敢動以故兵政弛自禁軍及邊軍衛軍無一能自立者將軍獨禁營所至不屈即本兵督部亦不屑屑受節制舉朝相驚以為三百年成事一旦壞河故會崇煥門客周錫圭王咨治者將歸里自請觀東江形勢以行意謂督師客必厚賂至則設酒醴長享無牲具獻不過爵

東下

吳

帛大恚憾告崇煥以無禮泐督師密語一晝夜去當是時崇煥自恃有將才可以取勝而大清師以從容不即專所向遂予崇煥以小逞崇煥妄自信謂東事可任是必除東江而東事成如治疽然預施鍼石而後濟之以湯醴其不知者妄疑湯醴之有濟也去而鍼石而于其疽發而不可救矣劉愛塔者遼東人也年十二為

大清師所得及長駢悍偕其弟興治興賢皆在軍

太祖器之賜名愛塔愛塔猶言愛他也時愛塔為都督守金州將軍計通之復州都督王丙廉其反上變幾不免有殺之者謂丙有私怨誣愛塔竟論殺而置愛

塔不問愛塔乃使其弟投東江而自取他屍衣已衣  
燒其面乘夜走蓋州統其所部四百人馬四百匹取  
道至旅順將軍迎至島隨相機導之從蓋州登岸殺  
二千人因題授愛塔昭勇將軍崇煥乃大恚以為愛  
塔來歸不允之軍門為東江所得每遣人選愛塔不  
至向將軍索之亦不與門客周錫圭親見愛塔于島  
中嘆以爵終不之答會

大清

太祖皇帝幸溫泉愛塔知之語將軍設伏至即發去不  
敢犯及

太祖皇帝大行崇煥遣番僧往弔而將軍以愛塔言上  
狀至是與愛塔畫復遼東之策謀劫五嶺崇煥忌且

東下

史

始乃於崇禎二年五月疏請親詣東江商進取事令  
文龍與愛塔偕會留劍印蓋前而崇煥復請攜劍印  
行疏稱臣門下士周錫圭謂皇上赫濯必當令東江  
將士重振威儀一切機宜俱委趙率教祖大壽等攝  
之乃請餉十萬犒之給東江兵因選將士之驍者二  
百人登舟由旅順入至雙島旅順遊擊毛永義率兵  
迎之崇煥乃登島謁龍王廟呼永義等諭之曰國初  
開平中山水陸俱用故能攻采石戰鄱陽而其既也  
曰縱橫沙漠而下之如今吾亦欲使東江將士急用  
之蓋前何如眾或唯或否崇煥取否者將殉而復釋  
之謂之曰故事督師言無齟齬理爾曹不知法度久  
矣此所以教也眾唯唯既而將軍至拜崇煥亦答拜

東下

元

崇煥親出報將軍帳中就將軍借行帳張島間聞選  
召將軍欽聞語進取事曰此事視我兩人耳然必同  
心共力今我來欲觀東江形勢然亦以爾我間濶所  
不憚屈身就將軍固將與將軍成大功也將軍流涕  
曰文龍住海外八年矣雖小有所減馬匹器仗日不  
給恐枵腹徒手不能有濟如之何崇煥曰嗣後餉日  
至無憂飢也當是時崇煥禮甚恭詞色和易連夜多  
密語擊銅釜二下方出既而將軍設饗具東江將士  
暨降丁來謁俱有賞及飲蒼頭侍酒者帶刀立崇煥  
叱使退酒酣乃語以四事一移鎮二定營制三設道  
廳稽兵馬糧糧四分旅順東西節制旅順東行總兵  
官印信旅順西行督師印信將軍俱未應崇煥乃出  
餉十萬犒東江將官當夕傳靈前副將汪壽與孫夜  
分出詰旦校射語將軍曰吾將歸靈前國家海外重  
寄在將軍將軍受予拜臨拜副將汪壽與參將謝尚  
政密傳督師兵四環而截東江隨行官在環內蒼頭  
出環外不得近崇煥乃願隨行官詢何姓曰姓毛氏  
崇煥曰安有諸官一姓者此非法也遂呼之來前曰  
爾等皆人傑為國効力久矣即非毛姓國家豈忘汝  
報者今汝在海外勞苦倍而其所食俸減于靈前吾  
痛之吾將疏請增汝餉令無以酬汝等汝等受吾拜  
眾亦拜崇煥即大坐數將軍罪仍以前四事為詞並  
無他且厲聲曰夜即自去矣矣吾殺汝後若不能復  
速以謝汝者吾他日亦齒以劍乃願諸隨行官曰此